

HN ZWXX 1

ON SCHUTZE.



MAX BARACK.

Gen L 1052.193.30

23.

D-II.

**HARVARD COLLEGE  
LIBRARY**



**FROM THE BEQUEST OF  
HUGO REISINGER  
OF NEW YORK**

**For the purchase of German books**



# Schnofe im Schbuhze.





hze.

Gedichte

† un Schulze

: a cf.

Stuttgart.

von Adolf Bonz & Comp.

1892.

# Schnofe un Schbuhze.

---

Eine Sammlung heiterer Gedichte

in Pfälzer-Dialekt

von

May Barack.



Stuttgart.

Verlag von Adolf Bonz & Comp.

1892.

GerL 1052.193.30

v



*Reisinger fund*

Druck von H. Bong' Erben in Stuttgart.



## Schdatt ere Vorredd'.

„Wer geern danzt, dem is gut geige  
Du 'me luschd'ge Ringelreige“,  
Sächt mar als, „un wer geern lacht,  
Dem aach leicht Bläsr mar macht,“  
So meen ich' — un deffentwege  
Will ich's halt emol browire  
Un jehunder aach risgire,  
Eich des Bichel vorzulege:  
Fest 's emoll Ich hcff', ihr macht  
Hinnenooch keen saure G'sichter  
Un seid keen zu schdrenge Richter,  
Neeñ, ihr Leut', — ich hoff', ihr lacht!



## Vorbemerkung über die Schreibweise:

Das Zeichen „ñ“ wird als Nasallaut ausgesprochen.

# Inhalt.

## I. Erzählungen.

	Seite
<u>Nor pliffig! . . . . .</u>	<u>3</u>
<u>Des dumme fränzche . . . . .</u>	<u>6</u>
<u>Im Himmel war d'r e große Noth . . . . .</u>	<u>9</u>
<u>Nathan Hirsch vor Gericht. (Jüdischer Dialekt.) . . . .</u>	<u>15</u>
<u>Nor nit liege! . . . . .</u>	<u>17</u>
<u>Die Malanöndacht . . . . .</u>	<u>22</u>
<u>'n Eztrapreis . . . . .</u>	<u>27</u>
<u>Legende. (Jüdischer Dialekt) . . . . .</u>	<u>30</u>
<u>Die Waar' is's nicht. (Jüdischer Dialekt.) . . . . .</u>	<u>32</u>
<u>Der Kurferscht un der Saahert . . . . .</u>	<u>34</u>
<u>Des wär' for die Kumbé gut! . . . . .</u>	<u>44</u>
<u>Die pardellisch Mudder . . . . .</u>	<u>48</u>
<u>Ö Rechenezembel . . . . .</u>	<u>50</u>
<u>Wie is's, Frau Rath? (Jüdischer Dialekt.) . . . . .</u>	<u>52</u>
<u>Nach e Grund . . . . .</u>	<u>55</u>
<u>Grad zu leed nit! . . . . .</u>	<u>57</u>

## II. Lyrische und Scherzgedichte.

<u>'s Meeschderschdid . . . . .</u>	<u>63</u>
<u>Melü Schatz . . . . .</u>	<u>65</u>

— VIII —

	Seite
Ein guter Rath . . . . .	68
Was mach' ich do? . . . . .	70
Uf Umweg . . . . .	73
Waist m'r Kaine. (Jüdischer Dialekt.) . . . . .	75
Nor gemithlich! . . . . .	78
For die Zukunft weest ich, was ich dhu! . . . . .	82
Bleib' im Land' un nähr' dich redlich! . . . . .	86
Der Boschdijon vun Ewerbach . . . . .	90
Die schwer' Wahl . . . . .	93
Ich hab 'n Zorn . . . . .	95
Was badd' des dumme Schbare? . . . . .	96
Des dumme Geubz . . . . .	98
Mein Mischkur . . . . .	101
Kumbe-Kogel . . . . .	107
Ich hab' keen freed uf dere Welt . . . . .	109
Mein fraa hot recht . . . . .	112
Die dumm' Nas' . . . . .	114
Die Baurebeicht . . . . .	117
's is n'r Alles worscheit . . . . .	122
Des kummt vum Schbazleregehü . . . . .	125
's breffirt nit! . . . . .	131

III. Anhang.

Der Dank der Palz. (Eine dramatische Scene.) . . . .	137
--	-----



I.

# Erzählungen.

55  
9

## Nor pißig!

**E** Borgermeeschter uf'm Land  
Kricht d'r e Schreime aus der Schdadt,  
Do heeßt's drin: mar sollt' forzer Hand  
Berichte an de Magischdrat,  
Wie in de Dörfer ringsumher  
Des Obst diesjoht gediehe wär',  
Und dann aach sage, welli Sort'  
Am beschte wär' gerothe dort:  
Ob's Kersche, Biere, Abrikose  
Un Äppel gewe hätt' un große  
Un schöne Persching<sup>1</sup>, Quetsche<sup>2</sup>, Nisß',  
Ob d'r die Drauwe gut und siß  
Gewest sin — forz er soll d'r ewe  
Des alles pinktlich an jehz gewe.

„Noñ“ — denkt mein Borgermeeschter do —  
„Des is g'schwind g'sagt, 's is leeder jo

1 Pfirsiche. 2 Zwetschen.

fascht nig gerothe, ausgenomme  
 Die Quetsche, dann — Potz Herrgott! — die  
 Sin hier gerothe, wie noch nie:  
 's is jo — so wie ich hör' — vorfumme,  
 Daß Baure säckweij' herg'schenkt hawe,  
 Un 's muß do schun — des derf mar glaawe —  
 Recht arg sein, bis 'n Bauer als  
 Was her dhut schenke in der Palzl"

So denkt er un macht sich glei draß  
 Un fangt d'r halt zu schreiw an:  
 „Bei uns is diesjoht nig gewachse  
 Dun Obst, als nor die — —

Herrgott Sachsle!"

— So denkt do — „wie schreibt mar dann  
 Nor Quetsche? — hm, hm, hml — do kann  
 Mar sich jo ferchterlich blamire,  
 Wam' mar 's<sup>1</sup> nit richtig schreiw dhut!  
 Neen, neen, des will ich nit risgire —  
 Un 's macht sich, meen' ich, grad so gut,  
 Wann d'r statt Quetsche „Niß' do schdeht,  
 's is so wie so jo ganz egal:  
 D'rum schreiw' ich „Niß' auf jeden fall —  
 Ich wär' recht dumm, wann ich's nit dhät!"

So denkt er un macht de Bericht,  
 Daß mar so arg viel Niß' hätt' kriecht,

---

<sup>1</sup> Wenn mann's.

Tragt dann sein Schreibe in die Stadt  
Un iwerrecht's beim Magischdrat.  
Do prift mar's dann un — „Ei, was? Nig?!  
Mar meent nit, daß des möglich is!“  
Kreischt der Erhewungskummissär.  
„Sunst ware alle Aufbääm leer  
Im ganze Land un nor do hinne  
Bei Ihne sin so viel' zu sinne!“

„Ja“ — sächt der Alt' un fragt am Ohr —  
„Ich weesß wol un kann nig d'rfor —  
's hot aach nor Quetsche gewe dort:  
Der Deiwel awer schreib' des Wort!“





## Des dumme Fränzche.

Im schöne Mai — wann ich nit err',  
So is 's erscht e Jährche her —  
Do ware uf 're schöne Wies'  
— Wie des eso gebräuchlich is  
Im Dorf — vum ganze fleene Nescht  
Die Kinner all' zum Maiefescht  
Versammelt un do drunner ware  
E Schdicker else — 'm Herr Parre:  
Der Fritz, der Wilhelm, die Schanneddche,  
Der Oskar, Rudolf, die Baweddche,  
's Luifel, Gredche, Marz und Hänsche  
Un endlich noch die goldig Fränzche,  
E herzig nettes fleenes Gänsche.

Die Kinner schbiele d'r un schbringe  
Un sin vergniecht minanner, singe  
Un danze aach, so gut 's will gehn  
Im Gras mit ihre korce Been:

Do kummt uf eenimol hoch im Boge  
 E Klapperschdorch d'rhergefloge  
 Un schwebt un kreist mit g'schdreckte Fieß'  
 Grad iwer dere Maiescht-Wies' —  
 Verleicht hot er die Kinnerg'schdalte  
 Im grüne Gras for Fröschlin g'halte.

Jetz war die freed nadierlich groß.  
 „E Schdorch — e Schdorch, Schdorch Langebeer!“  
 Bricht iwerall der Juwel los  
 Bei dene Kinner groß un fleen,  
 Un „Schdorch, Schdorch Schdeener  
     Mit de lange Beener“,  
 So singt e helles Schdimmche vor,  
 Die annre singe's nooch im Chor,  
 Un „Schdorch, Schdorch, guder,  
     Bring mir 'n fleene Bruder!“  
 So singt un kreischt d'r dann fachtgar  
 Die ganz' fiddel fleen Kinnerfchar.

Die Parrerskinner nor alleen  
 Sin mäuscheschdill — bis uf die fleen  
 Blondlockig' un blooäugig fränzche,  
 Des herzig nette fleene Gänsche,  
 Des hot d'r luschdig mitgesunge:  
     „Sdoich, Sdoich, duder,  
     Bing mi' n dleene Buder!“  
 Do kummt d'r g'schwind die Gredche g'schbrunge

Un hebt 'm seiñ fleeñ Mäulche zu  
Und sächt: „Willst du glei schdill seiñ, du  
Eensältigs Ding, mir hawe, meen' ich,  
Schun Kinner genug un keens zu wenig!  
Was b'schdellst du uns dann doch noch eens? —  
Aeen, neen, Herr Schdorch, mir brauche keens!“

So freischt se zum Herr Langbeen nuf.  
Doch der hot, scheint's, nit Acht g'hatt druf,  
Dann ball d'rnooch hot in der Nacht  
Ins Parrhaus er 'n Bu gebracht  
Und so des Duzend voll gemacht.  
„Guck“ — sächt zum Fränzche do die Gredche —  
„Dodrañ bist du schuld, du dumms Mädche:  
Jez ham' mer<sup>1</sup> mehr als schun zu viel.  
Des nächschdemol do bist du schdill!“

---

<sup>1</sup> haben wir.



## Im Himmel war d'r e große Noth.

(1878.)

Im Himmel war d'r e große Noth.  
Dann ame Sunndagnachmiddag —  
Grad um die Zeit, wo der lieve Gott  
Sein Schläfche macht — do dhut's 'n Schlag,  
Wie wann d'r tausend Kanone zugleich  
Loskrache: des ganze Himmelreich  
Hot d'r gewackelt un geziddert,  
So war's vun dem arge Schlag erschiddert,  
Un Alles, — die Sel'ge, die Heil'ge sogar  
Mitsammt der ganze Engelschaar —  
Hot frische un is dorchenanngerennt,  
Dann Alles meent, daß der Himmel brennt,  
Weil's nooch dem arge Krach un Schlag  
Ganz forchtbar schdinkt nooch Bech un Raach.

Vun dem Lärme is unser Herrgott erwacht  
Un hot halt sein Lage ufgemacht.

„Pos! Dunnerwedder, was war dann des?!“  
So sächt er zu sich — „un der Deiwel weesß,  
Was des nor mag seiñ — was schdinkt dann eso?  
Mar kann jo fascht nit mehr schnaufe dol  
fui Gugugg, do schdinkt's jo, bei meiner Seel,  
faschtgar so arg wie in der Höll'.  
Was macht dann der Petrus, der Himmelsprofos?  
Js dann heut' do howe der Deiwel los?!“

Kaum hot der lieb' Gott vor sich hiñ des g'sagt,  
So hot schun der Petrus die Thür ufgemacht.  
„Ei sag emol“ — fangt unser Herrgott do an —  
„Wos hot dann nor vorhin den Kracher gedahñ?  
Was sin m'r dann des for faule Sache,  
E so'n arge Lärme zu mache,  
Grad wo ich schloß?! — Un sag nor, was jetzt  
Uns in den schlechte Geruch versetzt?  
Des riecht jo — ich weesß gar nit — wie Böck  
Un — salvaveni — Deiwelsdreck!  
Wie kann dann im Himmelreich so was bassire?  
Du dhuschst m'r e schöni Ußsicht fihre!“

„„Meiñ!““ — sächt do der Petrus — „„du lieber  
Gott,

Kann ich was d'rfor, wann's 'n Krach gedhañ hot?  
Bin ich drañ schuld verleicht, daß die alt  
Un wacklich Brandmauer zammefallt,  
Wo der Belzebu hot baue miße

Zwische dein und seim Territorium?!  
 Ich meen', du werst's jo selwer wiße,  
 Sie war vor Alter ganz bucklig und krumm.  
 Ich hab' se seit Jahre schon unverdrossen  
 Ausbessere, verbuße und schdibbere<sup>1</sup> losse, —  
 Jetz hot se halt doch die Kränk endlich kriecht:  
 Bin ich jetz draß schuld, wann se zammebrocht?!“

„Sooo — sooo!“ sächt d'r do der liewe Gott,  
 „Die Mauer is eäng'schderzt? — Des also hot  
 So forchtbar gefracht?! — Ja dann is 's woher  
 Un ich sag' selwer: Du kannscht nix d'rfor! —  
 Hm, hm!“ — fährt er fort un nemmt e Bris  
 Bariser vun Lozbeck frères et fils —  
 „Des is jo verflucht — jetz will ich's gern glaawe,  
 Daß mir im Himmel den G'schdanf do hawe —  
 Hm, hm — 's is e recht verdrießliche G'schicht,  
 Daß halt die dumm' Mauer do zammebrocht  
 Grad jetz, wo der König-Ehrenmann\*)  
 Und der Babscht jedi Schdund eintreffe kann:  
 Was solle dann die for e Meenung kriechen  
 Von uns, wann's im Himmel eso dhut riechen!“

Der Petrus kraht sich hinner'm Ohr.  
 „„'s is dumm““ — sächt er — „recht dumm is's,  
 's is woher!“

<sup>1</sup> stützen.

\*) Il re galantuomo, der König-Ehrenmann, Beiname Viktor  
 Emanuels II von Italien. Er starb am 9. Januar 1878; vier Wochen  
 später am 7. Februar starb auch Papst Pius IX.

Was mache mir dann? — Am beschte werd's sein,  
Du nimmscht emol 'n Mageschein  
An Ort un Schdell' — —"

„Was ich soll do naus?!  
Was fällt d'r dann ein? — Keen Fuß vors Haus  
Setz' ich, so lang's eso ferchterlich schdinkt  
Un der Hölleduft de Himmel dorchdringt!“  
„„Ja““ — sächt do der Petrus — „„dann weeg  
ich d'r ewe,  
Keen annre un bessre Roth mehr zu gewe,  
Als all' unser' Maurer zu kummandire,  
Um g'schwind den Schade zu rebarire!““

„Wie viel?!“ sächt do der liewe Gott,  
„Des wär' m'r schön, — die Mauer hot  
Laut Baulichkeets-Inventarium  
Gar nit zu meim Territorium  
Gezählt! — Ich loß' nit so viel mache,  
Des sin' m Deiwel seine Sache!“

„„Ja, lieber Herr““ — sächt der Petrus jetz —  
„„Hernoochder, glaaw' ich, is's lez:  
Ich hab' schon mit'm Deiwel geredt,  
Der awer sächt halt aach, er dhät,  
Nix mache losse, dann er meent,  
Daß ihn keen Herrgott zwingen könn,  
Den Bau zum zweetemol zu mache, —  
Des wäre desmol unser' Sache.

Un wann's jetz hiwe schdinke dhät,  
 Do könnt' er nig mache — ihm wär's leed:  
 Die Ruffe un Derke, die viele Soldate  
 Dun Plewna\*), wo in der Höll' drin brate,  
 Die dhäte grad nit zum allerbesche  
 Halt rieche un derntweg' die Luft verpesche.  
 Zwar dhäte bei uns aach Seele rumfliege,  
 Wo nit wie Veilcher und Maiblimcher rieche, —  
 Die dicke Paffe — er wollt' zwar nig sage,  
 Doch meen' er, wer den Geruch könnt' verdrage,  
 Wo die verbreite, könnt' schnaufe aach  
 Im Schwefeldunschd un dem bissel Raach.  
 Doch wenn's uns do hiwe dhät werflich schenire,  
 So sollte mir nor die Mauer uffihre;  
 Mir könnte des iwrigens — hot er noch g'sagt —  
 Und hot sich verschmigt in's fäuschte gelacht —  
 Ganz halte nach uns'rem eeg'ne Gutdinke:  
 Ihm selwer dhät's lang gut im Himmel schdinke!“

„So — hot er des g'sagt? — Non, der soll sich  
 erre!

Ich mach'm de Schdandpunkt floor, dem Herre, —  
 Dem werr' ich emol e Lichtl anzinne:  
 Mir werre vor Gericht uns finne,  
 Ich henk'm 'n Brojeß an Hals!

---

\*) Bei Plewna fanden im Juli, September, Oktober, November und Dezember 1877 wiederholte blutige Kämpfe zwischen Russen und Türken statt.



Was eenmol recht war, meen' ich als,  
Des bleibt aach recht for alli Zeit,  
Dun Ewigkeit zu Ewigkeit! —  
Hol' mir 'n Advogat uf der Schdell!“

„Ja,“ — sächt der Petrus — „des is jo der  
Jddem,

's is nit gut brozessüre mit'm —  
Die Advogate sin all' in der Höll!  
Im Himmel hawe mir nit een  
Un friche aach — —“

Do bin ich ufgewacht  
Un hab' d'r iwer den Draam gelacht:  
Ich hoff', daß Ihr's jeh grad so macht!



## Nathan Hirsch vor Gericht.

(Jüdisch.)

Der Nathan Hirsch, ä Handelsmann,  
Muß geben Zeugnis vor Gericht  
Und wird ermahnt, daß er sollt' nicht  
Ausagen oder geben an  
Etwas, was dorchaus wahr nicht wäre  
Und auch zur Sache nicht gehöre,  
Desgleichen auch verschwaigen nichts,  
Was Licht könnt' bringen in die Frage  
Der dunklen Untersuchungssache.  
Der Hirsch besinnt sich und — verspricht's.

Drauf stellt der Richter die Vorfragen  
Und Nathan muß der Rath' nach sagen  
Und nachainander geben an  
Erst seinen Namen und sodann  
Stand, Alter und Gewerbe. — Nathan  
Gibt alles zwar ganz afurat an,

Doch sagt sain Blicß bai jeder Frage:  
„Wie haißt, — gehört des aach zur Sache?  
Ich steh' doch nicht hier angeklagt!“  
So denkt der Nathan, doch gesagt  
Hat er noch nichts. — Da fragt zuletzt  
Der Richter forschend noch den Sohn  
Jakobs nach sainer Religion.  
„Herr Richter“, spricht er lächelnd jezt,  
„Was brauchen Se ze fragen? — Wann  
Ich haiße Nathan Hirsch und bin  
Nach main Gewerb ä Handelsmann:  
So sind Se doch wohl nicht so grin,  
Ze mainen und ze nehmen an,  
Ich sai viellaicht katholisck dann?“

Dem Richter zuckt's dorchs Angesicht:  
Was er gesagt, das waiß ich nicht.



## Nor nit lige!

Zwee Mädcher — herzig nedde Dinger,  
Im Alter, wo der Ring am Finger  
Ihr eenzig Ziel is und ihr Schdrewe —  
Begegne sich am Sunndag frih  
Grad bei der Bildergallerie,  
Wie d'r's mit alle Glocke ewe  
In alle Kerche sammeläut'  
Un wie im Schdormschritt, wie nit g'scheidt,  
Die Zeit' hiñ zu de Kerche renne,  
Daß se noch Blatz drin finne könne.  
Die Zwee, die sin gar gut bekannt  
— Ich glaab' gar, weitlos aach verwandt —  
Drum sächt zur Annere die Een:  
„Ei, Binche, — guck emol, wie schön,  
Daß mir uns treffe do: noñ, sag,  
Wohiñ dann schun so frih am Dag?“

Ei — denkt die un werd feierroth —

Du kummscht m'r jeß recht iwerzwerch!

Baraß, Schnofe und Schbuhje.

Drum sächt se: „„Ich — will in die Kerch!  
 Un du, Kathrinche? — Sag, was hot  
 Dann dich schon aus'm Haus gedriwe?““ —  
 „Ich? — Ich — wär' geern d'rheem geblime“ —  
 Sagst die, aach roth ums Handumdrehe,  
 „Doch muß ich nach der Tande sehe —  
 — Du kennst se jo — se is so krank,  
 Un derutweg' hot m'r, Gott sei Dank,  
 — Neen, leeder Gottes, wollt' ich sage —  
 Mein Mutter ewe ufgedrage,  
 Ich sollt' d'r jehund riwergehñ  
 Un gucke, wie's dhät mit'r schdehñ!“

„„Ei, guck nor““ — sächt mein Binde do —  
 „„Des ist jehet schön, — do ham' mer jo  
 De gleiche Weg: do gehne mir  
 Minanner bis zur Kerchedhir!““

„Ach, ja!“ druf die Kathrinche sächt,  
 „Des is recht schön — des freet mich recht!“

So sage d'r die Mädcher un  
 E Weilche druf, do schdehñ se schon  
 Verlege — schdumm als wie zwee Schdöck —  
 Um Jesuwidderkerche-Eck,  
 Dann jedi hofft, eh' daß se geht,  
 Daß sich die anner dricke dhät.  
 Doch endlich sächt d'r die Kathrinche:

„Ich muß jetz fort — adje, lieb' Vinche,  
 Ich kumm' d'r sunscht zu schbät — zur Tande,  
 Bet' aach for mich e bissel, wann de  
 Drin in der Kerch bischt!“ — „O gewiß!“  
 Sächt d'r mein Vinche do un lacht,  
 Indeß die anner fort sich macht.  
 Doch wie d'r die ums Eck rum is,  
 Do fliegt die Vinche wie der Wind  
 Verbei am Kerchedhor un g'schwind  
 Die Gass' nuf, nig wie vor die Schdadt  
 In die Schdefanjebrumenad,  
 Un kaum is se do aingekumme,  
 So kummt 'r schun — ihr Kaarl entgege,  
 Der hot se glei an Arm genumme  
 Un fihrt se uf verborgne Wege  
 E bissel abseits zu 're Bank  
 Im Buschwerk, do is — Gott sei Dank —  
 E brächtigs, wunnerneddes Blätzche  
 For ihn un for sein Herzensschätzche.

Do sitze se un dhun halt schön  
 Minanner — wie's halt pflegt zu gehn  
 Bei Kiewesleit — sie kisse sich  
 Un herze sich un wisse sich  
 Halt gar viel Indressants zu sage  
 Un mehnder<sup>1</sup> faschtgar noch zu frage.

<sup>1</sup> mehr.

Sie sehe nit un höre nit,  
Daß aach e annrer Herr sein Schätzche  
Do herfihrt zu dem nedde Blätzche,  
Un lasse sich drum schdöre nit,  
Bis daß des neie Kiewespaar  
Uf ihren Schooß sich setzt fachtgar.

Do schbringt voll Schrecke uf mein Binde,  
Un wer schdeht vor'r — die Kathrinche.

D'rerscht schdehn allezwee verlege,  
Schdockschdeif do, ohne sich zu rege,  
Un keeni weefß, was dhuñ un mache:  
Dann — fange se halt an zu lache.  
„Is des dein Kerch?“ sächt d'r die Een,  
Un „des heescht du zur Tande gehñ?“  
Die Unner, „ei, do muß ich sage,  
So Tandene, wo Schnorrbärt drage,  
So hot's nit viel mehr, meen' ich als,  
In Mannem<sup>1</sup> un der ganze Palz!“

Do lache se d'r all' minanner,  
Un aach „die Tande“, die lacht mit  
Un sächt: „Ich hätt' e groösi Bitt'  
Un Eich, Ihr liewe Mädcher! Wann 'r  
Eich widder in de nächschde Däg

---

<sup>1</sup> Mannheim.

Beegnet uf'm gleiche Weg,  
So liget nit, — dann des is g'fährlich!  
Neeñ, sagt's enanner lieber ehrlich  
Un offe: „Ich geh' zu meim Schatz,  
Weescht dort, an dem bewußte Blatz!“





## Die Maianächt.

Im schöne Mai ame Sunndagmorge,  
Do hoct emol frei vun Werdagsforge  
E Bäuerche vun fascht siewezig Johr  
Mit wacklige Beeñ un schneeweißem Hoor,  
— Der luschdig alt' Peter — im Sunneschein  
Im Gaarde un trinkt e Schöbbele Wein.  
Do läut's in die Kerch. „Noñ, läutet nor zu“,  
Hot do mein alter Peter gedenkt,  
Grad wie er sich nochemol ein hot g'schenkt,  
„Ich bleib' d'r do hocke in guter Ruh:  
Mir liegt in meim Mage was iwerzwerch,  
Derntweg' geh' ich heit' emol nit in die Kerch!“

So denkt halt der Alt' un is fascht froh,  
Daß er d'r um die Kerch kummt eso.  
Behaglich nemmt er e Schlickelche Wein  
Und brist die Kuleer<sup>1</sup> im Sunneschein  
Un schmalzt mit der Jung' un sächt: „er is gut,

---

<sup>1</sup> couleur, farbe.

Nor geht er e bisselche rasch eem ins Blut.  
Doch des macht jo nig: do dhut mar gemacht  
Un trinkt e Schöbbele — mehnder im Dag!“

So schlickelt un macht d'r sein Witzcher halt  
Un schmunzelt vergniecht vor sich hiñ der Alt'.  
Do kommt d'r uf eenmol vun ungefähr  
Sein Nochber, der Schulz, des Wegs d'rher.  
Kaum siecht den mein Peter, so dhut er 'm winke  
Und sächt zu'm: „Nochber, ei kumm' emol reiñ,  
Willst nit e Gläsche Wein mit m'r trinke? —  
E Schluck vor der Kerch soll nit ung'sund sein!“

Mein Schulz, der denkt: „'s is zwar schon schbät, —  
Doch 's kann ach sein, daß mein Uhr vorgeht,  
Derntwege risgir' ich's un geh' emol neiñ,  
Die Kerch laaft m'r nit fort, awer der Wein!“  
So denkt er un — e Magedlick schbäter,  
Do hoct er halt newe mein alte Peter.

E Weilche druf kumme noch zwee Bekannte  
Vun Schulz un vun Peter, zwee Rathsverwandte,  
Die werre nadierlich jetz aach reinzidiert.  
Dann werd d'r der Schmied und der Krämer versihrt,  
Der Drechsler, der Maurer, der Sattler, der Gerwer,  
Der Seeler, der Schneider, der Schreiner, der färwer,  
Der Schlosser, der Megzder und dann der Balwirer,  
Der Schuster, der Häffner und aach der Lagirer:

All' misse se reiß un — endlich hocht d'r  
 Der Abedeger noch newen 'm Dokter.

Jetzt geht dann e Trinke los — nimmer schön,  
 Keen Redd' war mehr vum Kerchegehn,  
 Der Peter hot — Gott nor alleen mag's wisse  
 Wie oft — in de Kesser laafe misse,

a'sunge als hawe die Kerl un gragehlt  
 Un ~~unwun~~ nit und Schnofe verzählt  
 Daß Alles minanner n Witzcher geriffe,  
 Korz, 's war e Schbefda-~~che~~ misse:  
 Mar hot gemeent, der Deiljesegroß,  
 wär' los.

Uf eenmal freischt Eener: „Do

Do fahre se uf als wie die Narre mit der Herr Parrel!“  
Der Een, der schluppt d'r unner de  
Der Unner verscheddegt sich im Gebisch,  
E Dritter un Verter verzieht sich ins Ha  
Nor Einer vun alle, der bleibt d'r kalt  
Als wie e Fröschel im Wasser: der Alt',  
Der dorchdrive Peter. „Die G'sangbicher raus!“  
— So freischt er — „dann jetzund vor alle Dinge  
Heeßt's andächtig sein un e Kerchelied singel!“  
So sächt er un fangt d'r halt an und singt vor:

„Maria, hilf' uns allzumal

Aus diesem ird'schen Jammerthal!"

Die Annre singe's noch im Chor.

Der Parre weesß ańfangs gar nit, wie'm g'schiecht,  
Wie er die ańdächtig G'sellschaft do siecht.

„Ja“ — sächt er verwunnert — „was is dann des?  
Was sin dann des for faule Schbägg  
Un was soll die Singerei do heesse?  
Seid ihr dann nit in der Kerch gewese? —  
Zum Gugugg, so sagt doch, was ihr do macht!“

„„Herr Parre, mir halte e Maiańdacht,““  
Sächt do der alt' Peter un singt widder vor:  
„Maria, hilf uns allzumal  
Aus diesem ird'schen Jammerthal!“  
Die Annre singe's nooch im Chor.

Mein Parre awer g'hört nit zu selle,  
Wo sich so leicht hinner 's Licht führe losse,  
Er siecht die Gläser und Weinbudelle  
Un denkt: „Halt, Peter, ich kenn' schon dein' Bosse  
Un dein' Schbarafanze un Schnofe un Schbuhze —<sup>1</sup>  
Du sollscht mich awer noch lang nit uhze!“<sup>2</sup>  
Doch weil er keen Kopphänger is, aach nit  
De Wein als in die Schdiffel schitt',  
So sächt er halt: „Ei, des freet mich jo recht,  
Daß ihr eso wacker minanner ze —  
— ter freischt, weil die Welt so schlecht,  
Un so voll Urglischt, Ach un Weh'

1 Alle drei Ausdrücke haben die Bedeutung von Scherz oder Niederei.

2 netzen.

Un voller Sinder, wohiñ ich — jetz seh':  
E Jammerthal is se un werd se aach seiñ  
for Eich, — wann uf den Añdachtsweiñ  
Der Kaßejammer sich schteilt eiñ!“

Do schmunzelt der Peter un sächt: „„Uf den,  
Herr Parre, neeñ, do fricht mar keen,  
Dann der is uñverfälscht un gut,  
Des echte, reene Drauweblut.  
Des Weiñche — do bin ich gut d'rfor —  
Des dhut eem nig — versuche Se 's uor!““

So sächt er un schenkt vun dem Añdachtweiñ  
'm Parre e g'schdrichenvoll Gläsche eiñ  
Un hebt 's 'm hiñ. — Der schlickelt und sächt:  
„Wahrhaftig, Freund Peter, — der is nit schlecht,  
Neeñ kunträr, wahrhaftig, er is recht gut —  
Ich glaab' fascht selwer, daß der eem nig dhut!  
Drum, wann 'r als widder e Añdacht wollt halte,  
So sagt mir's, ich find' mich dann aach d'zu eiñ —  
Doch Eens muß ich m'r vorbehalte:  
Se derf nit — während der Kerchezeit seiñ!“



### 'n Extra-Preis.

E Mädche — gar e herzig Kind,  
Wie im der Palz mar viel jo find' —  
Nit groß un aach nit kleen, brinedd  
Un mit 'me G'sichtel wunnernett,  
Kohlſchwarze Hoor un e Paar Lage,  
So hell als wie zwee Stern', mit dene  
Die Krott, die herzig, — sozusage —  
Een dorch und dorch hot gucke könne,  
Un — wie die Pälzermädcher alle —  
Zudem aach nit uf's Köppche g'falle:  
Die kummt emol mit ihrer daawe<sup>1</sup>  
Großmudder in'n Modelade  
Un frogt halt, ob se Seidesade<sup>1</sup>  
Un schöne farb'ge Bänder hawe.

Dienschtfertig legt der Gummi<sup>2</sup> do  
— E so'n rechter Ladeschwengel

---

1 tauben. 2 Commis.

Un g'schdriegelter Bumadebengel —  
Dem Mäddche Bänder geel<sup>1</sup> un bloo  
Un roth un violett un griñ,  
Korzum in alle farwe hiñ,  
Un guckt d'rbei der nette Krott  
Als in die Lage — un dann hot  
Er schmachtend g'seifzt, so dief un schwer,  
Wie wann's 'm nit recht iwel wär'.  
Meiñ Mäddche awer dhut, wie wann  
Se gar nig merke dhät: een Band  
Geht nooch'm annre dorch ihr Hand  
Un manichsmol browirt se dann,  
Ob eens zur farb' vun ihrem Kleet  
Un ihrem neie Hitche schdeht.  
Meiñ Ladeschwengel awer sächt  
Bei jedem Band, wo se browirt,  
Mit sißem Lächle un geziert:  
„for Sie is jo e jedes recht,  
Dann Sie — des muß ich Ihne g'schdehñ —  
Sin jo in alle farwe schön!“

Die Kleet hot druf keen Wörtche g'sagt  
Un hot nor in sich neingelacht.  
Doch endlich nemmt se d'r e Band  
— Des schönscht nadierlich — in ihr Hand  
Un meent ganz schichtern nor, se nähm'  
Des geern, wann's nit zu dheier käm'.

---

<sup>1</sup> gelb.

„O“ — sächt der Ladeschwengel do  
Ganz schwärmerisch un wickelt's ein —  
„Sie solle ganz zufriede sein:  
for Ihne, Schönschti, mach ich jo  
'n Extra-Preis, — 's koscht nor e Kißchel“ —  
„„So?!““ sächt die Kleeñ jehund un lacht —  
„„Der Preis is billig: abgemacht,  
Ich nemm's! — doch waarte Se e bische““ —  
— fährt se dann fort un macht' n Knig —  
„„Ich selwer zahl' im Lade nig,  
Drum wenne Se sich an meißt alt's  
Großmutterche do — die bezahlt's!““





## Legende.

(Jüdisch.)

Als Israel ainst in der Wüste  
Schwer seinen Ungehorsam büßte  
Durch Hungersnoth und Durstespain,  
Da kam ainmal ain großer Haufen  
Von Juden zum Prophet gelaufen  
Und klagte und fieng an zu schrain:  
„Waih, Rabbi Moses, Waih, a Waih,  
Prophet Jehovahs, steh uns bai,  
Wir haben dain Gebot vermessen  
Verleht und — Schwainefleisch geessen:  
Dafür trifft uns jeht aine große  
Tribfal — wir haben Trichinose!  
Drum, großer Rabbi, steh uns bai,  
Aich hilf uns, rett uns, Waih, a Waih!“

Da sprach der Moses: „„Wer nicht hört,  
Muß fühlen — so das Sprichwort lehrt:  
Aich allen ist ganz recht geschehen!

Doch weil ihr kommt in tiefer Nahe, (Neue)  
Werd ich zu Gott Jehova flehen,  
Daß aus der Noth er aich befrail!“

So sprechend stieg mit großer Müh'  
Der Moses auf den Sinai,  
Um dorten zu dem Herrn zu beten  
Und für der Sinder Schaar zu reden.  
Doch schon nach ainer klainen Waile  
Kimmt er zurück in hast'ger Aile  
Und zu den Juden also spricht:  
„Gott will nicht gehen ins Gericht  
Mit aich — er will aich gnädig sein,  
Von der „Trichine“ aich befrain,  
Die „Mose“ doch mißt ihr behalten  
Als Strafe der fürwitzigkait  
Und sindigen Vermeßenhait  
Und zwar die Jungen wie die Alten:  
Geht hin und sindiget nicht mehr!“

So sprach der Moses und — saither  
Als Merkmal des begangnen fehls  
Tragt Jeder vom Stamm Israels  
Im Angesicht die schrecklich große  
Charakteristisch krumme „Mose“  
Und wird sie tragen alle Zait  
Bis in die fernste Ewigkait.



## Die Waar' ist's nicht!

(Jüdisch.)

Der Jzig, ain Hausirer, geht  
Zur Stadt mit sainem schweren Pack  
Und trägt ihu hier den ganzen Tag,  
Von Haus zu Haus, von früh bis spät,  
Und fragt bald hier und fragt bald dort  
Mit sainem „Nichts za handeln?“ an,  
Doch immer traibt den armen Mann  
Ein kurzes „Nain!“ schnell wieder fort.  
Und waiter geht er sorgenschwer,  
Denn stets bleibt Sack und Magen leer.

Da endlich, als der Abend naht,  
Er wiederum ain Haus betrat  
Und — welch' ain unverhofftes Glück! —  
Man waist ihn diesmal nicht zurück.  
Mit schüchternem, verzagtem Schritt  
Er vor die „frau Baronin“ tritt,  
Um ihr zu zaigen saine Waaren:  
Wollstoffe, ächte Brüssler Spitzen,

Vorhänge, bunte Bänder, Kissen  
Und Teppiche aus Pferdehaaren.  
Doch kaum liegt offen da der Pack,  
So — greift die Dame in die Tasche  
Nach ihrer kölnisch-Wasserflasche  
Und — Ihig maint, ihn trifft der Schlag —  
Mit abgewendetem Gesicht  
Sie naserümpfend zu ihm spricht:  
„Daß Gott in Gnaden mich bewahre,  
Wie übel riecht doch Eure Waare!“

Drob faßt Verzweiflung Ihigs Herz,  
Er fühlet drinnen wilden Schmerz:  
Die Hoffnung, hier Verdienst zu finden,  
Er sieht sie plötzlich wieder schwinden.  
Nur aine kühne That allain  
Kann retten ihn in dieser Pain!  
Deshalb er fraindlich lächelnd spricht:  
„Wahrhaftgen Gott — die Waar' ist's nicht,  
Das — wenn Se gitigst mir erlauben —  
Bin ich, — bei Gott, Se dirfen's glauben!“

Ob nun die Dame daraufhin  
Durch ainen Kauf beglücket ihn,  
Kann ich aich laider nicht berichten:  
Zur Wahrheit will ich nichts erdichten.



## Der Kurferscht un der Sauhert.

Der Kurferscht Friedrich vun der Palz\*)  
— Ich weess nit recht, doch meen' ich als,  
's war anno Sechszehñhunnert Zehñ,  
Wie er verliebt war in die schön  
Englisch Prinzess' Elisabeth —  
Den hot 's als deßentweg' im Bett  
Zu selle Zeite nit gelidde,  
So daß er d'r mitunner midde  
Als in der Nacht — 's is nit geloge —  
Ufg'schdanne is un ausgefloge:  
Du lieber Gott, der Kurferscht is d'r  
Noch gar arg jung gewese, wißt'r,

---

\*) Friedrich V von der Pfalz vermählte sich 1613 mit Elisabeth, Tochter König Jakobs I von England, und wurde 1619 zum König von Böhmen gewählt. In der Schlacht am „Weißen Berge“ von den Kaiserlichen und den Bayern geschlagen, mußte er nach Holland flüchten und erhielt wegen seiner kurzen, nur einen Winter dauernden Regierung den Beinamen „Winterkönig“. Geächtet und ohne wieder in Besitz seines Erblandes, der Pfalz, gelangt zu sein, starb er in der Verbannung 1632.

— Erscht achtzehñ Johr alt — un des weesß  
E Jedes jo, in dene Jahre  
— Des hot mar an sich selbscht erfahre —  
Do macht die Lieb' eem bang un heesß.  
Nadierlich, wam' mar älter is  
— Des weesß mar aach for ganz gewiß —  
Do bringt een keeñ Elisabeth  
Am Diere Morgens aus seim Bett.

So is er aach emol im Mai  
Ufg'schdanne ame Uhrer Drei,  
for um uf die Terrass'\*) zu gehñ.  
Der Morge war so wunnerschöñ,  
Die Kersche hawe d'r geblieht,  
Die Vöchel hawe ringsum g'sunge,  
Des hot so wunnerbar geflunge,  
Un iwerall war Ruh' un Fried'  
In Wald un feld, uf Wief' un flur —  
Der ganze herrliche Nadur:  
Drum mit'm Bordreät vun seim Schatz  
In seiner Hand — 's war nor ganz kleen,  
Doch feiñ gemolt uf Elfebeen —  
Setzt er sich uf sein Lieblingsblatz,  
— E Schdeebank an der felsewand  
In allernächster Näh' vum Schloß,  
Die Aussicht war do mächtig groß —

---

\*) Die als Aussichtspunkt ersten Ranges berühmte „Große Terrasse“ ist unmittelbar vor dem Heidelberger Schlosse gelegen.

Un guckt ball naus ins flache Land,  
Ball auf die Häuser un die Kerch  
Dum alte, schöne Heedelberg,  
Ball — uf des Bild in seiner Hand.  
Do, wie er so viel Schönes sieht  
— Poetisch war er vun Gemieth —  
Do iwerkummt 'n halt die Luscht,  
Du schöpfe aus der volle Brust,  
Du dichte — for sein Schatz e Lied.

Voll Eifer macht er glei sich drauß  
Un fangt d'r halt zu reime an:

„Mein Lieb im fernen Engelland,  
Feinslieb, ich thu dich grüßen,  
Dich grüßt mein Lied vom Neckarstrand,  
Ich leg' es dir zu Füßen  
Mit meiner heißen treuen Lieb',  
Mit meinem — —“

Do schdockt er: wie er sich aach b'finnt  
Un widder b'finnt — — ums Lewe find'  
Er halt keen Reim, der baffe dhät  
Zu seiner „heesse treie Lieb'.“  
Er sucht dorchs ganze Alphabeth,  
Er reimt d'r „Dieb“ un „Hieb“ un „Sieb“,  
Doch nig d'rvuñ hot baffe wolle,  
Dann 's hot was recht Verliebts sein solle.

E ganzi Schdund b'sinnt er sich so.  
„Zum Guguck!“ denkt der Kurferscht do,  
„Jezund will ich's emol browire,  
Ob d'r's nit geht im Brunenire!“  
So denkt er bei sich un laaft fort  
Un sucht un sucht des rechte Wort  
Un — uf der Bank liegt des Bordreät  
Vun der Prinzess' Elisabeth.

Des merkt er aber nit; er geht d'r  
Als zu un sucht sein Reim d'rbei:  
Uf eemol uf der Sauweed schdeht er,  
Grad wie der Hert mit seine Säu  
Nüß'fahre kummt, e fleener Bu,  
E ächter Pälzerbu, d'rzu  
E rechter frecher, ufgeweckter  
Un, so wie alle, unverschreckter.  
Der laaft d'r hinner dene Viecher  
Mit seiner Beitsch' her wie 'n Sieger  
Un freischt d'r sein „Hu Sau! — Hus! Hus!“\*)  
Als wie 'n Alder, un zum Schluß  
Ziecht er d'r Geni aus 'm Salz\*\*)  
'm Ewer riwer uf de Hals  
Un freischt mit heller Schdimm d'rzu:  
„Hus, Kurferscht — du verliebter du!

---

\*) Der bekannte, von den Schweinehirten gewöhnlich gebrauchte  
Ausruf zum Antreiben der Tiere.

\*\*) „Eine aus dem Salz“ = ein sehr kräftiger Hieb.



Denkscht widder an die jung' Brinzeß?  
Noñ waart, ich kumm' dr!"

""Was is des?""

Sächt do der Kurferscht un bleibt schdehñ,  
""Ei sag, wie is des zu verschedehñ?  
Kurferscht? Brinzeß? Hab' recht ich g'hört!  
Hoscht du dann ferschte in der Heerd'?""

„Ei freilich!“ sächt der Sauhert do,  
„Dun alle meine Säu' die Erscht,  
Des is der Ewer, 's is der ferscht —  
Der Kurferscht: derntweg' heeßt er so.  
Un weil er — grad wie unser Herr  
In Heedelberg — verliebt wie der  
Is in e schöni jungi Sau — —“

""Was? — Wann ich meine Ohre trau',  
Sächst du — e Sau?""

„Noñ ja, e Säuchel

's geht jedes nor zu seinesgleiche,  
Doch weil's so schön is, derntweg' heeß'  
Des Dhierche ich nor ,die Brinzeß'!“

""Noñ"" ,denkt der Kurferscht do un lacht,  
""Do drañ hätt' ich jetz nit gedenkt,  
Daß mir der Himmel iwer Nacht  
Eso e ,Anverwandtschaft' schenkt:  
Eso 'n Vetter — so e Bäsche,  
Wie den Herr Kurferscht — des Brinzeßche!

Wann ich des der Elisabeth — —  
Poß Bliß, wo haw' ich dann ihr Bild?  
Wann ich des gar verlore hätt' — —""

Er sucht un sucht un werd ganz wild,  
Wie er 's nit find': do fällt's 'm ein,  
's müßt' drowe uf der Schdeenbank sein,  
Un sächt dem Bu, er sollt's 'm hole.  
Der awer sächt ganz unöverhöhle,  
Derntwege wär' er grad nit do,  
Er hätt' sein Säu zu hite jo  
Un dirst' sich gar nie unnerschdehñ,  
Nach nor 'n Schritt do wegzugehñ.  
Un wie der Kurferscht dodruf sächt,  
Er sollt' nor herzhast gehñ, er frächt\*)  
E Trinkgeld vun 'm — zwee Euidor  
Gäb' er 'm d'rhernooch d'rfor,  
Wann er dhät g'schwind do niwer schbringe  
Un des verlore Bildche bringe:  
Do sächt der lumbig Bu, er sollt'  
Sein Trinkgeld b'halte un sein Gold,  
Dann 's wär' sein Pflicht und Schuldigkeet,  
Daß er als Hert nit fortgehñ dhät,  
Drum gieng' er d'r aach for keen Geld  
Vun seine Säu' — nit for die Welt.  
Zudem ließ' er sich nig vormache:

---

\*) Bedingende Form des in der Pfalz allgemein gebräuchlichen  
Zeitworts „frichte“ (erliegen) d. i. bekommen, erhalten.

Er glaab', des wäre faule Sache,  
 Un daß er derntweg fort nor sollt',  
 Weil mar — sein Säu' ihm schdehle wollt'.  
 Drum — wann der Herr nit vun der Weed'  
 Sich uf der Schdell fortmake dhät,  
 So dhät' er'm jetz for sein Vergnieche  
 „'n Sauhie" hinne riwerzieche,  
 Daß er nit wißt, wo aus un ein.

Do denkt der Kurferscht bei sich: „Mein!  
 Der Lumbebu, der miserawel,  
 Der is d'r meiner Seel sabawel,  
 Mit seiner Beitsch' nooch mir zu schlage,  
 Wie wann ich — mit Reschbeft zu sage —  
 ‚Der Kurferscht vun der Sauheerd' wär'  
 Un nit sein Ferscht un Landesherr.  
 Aeeñ dod'rzu, mit dene Bosse,  
 Will ich d'r 's doch nit kumme losse!“  
 Drum sächt er: „Du, nemm' dich in Acht,  
 Ich bin der Kurferscht!“ — Doch do lacht  
 Der Lumbebu grad naus un sächt:  
 „Der Kurferscht? Ei, des freet mich recht!  
 Jetzt is doch meiner uf der Weed  
 Nit mehr alleen — er is zu zweet!“

Do sächt der Kurferscht nig mehr druf.  
 Er macht nor schnurschdracks Kehrt un geht  
 D'r schdandepede<sup>1</sup> vun der Weed'

<sup>1</sup> stante pede (latteinisch) stehender Fußes, sogleich.

Un schdeigt de Berg halt widder nuf  
Un laaft im Schdormschritt zu der Ban?  
Un find' aach richdig — Gott sei Dank —  
Do, an dem Blätzche, des Bordrät  
Dun seiner Braut Elisabeth.

Druf geht er heem un schickt run dort  
De Vogt mit zwee Drabante fort,  
for daß den Sauhert run der Weed  
Er hole un vorführe dhät,  
„Dann“ — denkt er — „den will, sozusage,  
Ich jetz emol in's Bockshorn jage!“

Des Ding is gut. — E Schdindche schbäter  
Werd richdig aach der Missedhäter  
Dun seine Säu weg arredirt  
Un glei' 'm Kurferscht vorgeföhrt.  
Do — wie er siecht, daß d'r der Herr  
Der nämlich is, dem morgens er  
Mit seiner Beitsch „for sein Vergnieche“  
Hot Eeni wolle riwerzieche —  
Do fällt er halt uf seine Knie  
Un sächt d'r mit usg'how'ne Händ':  
„Ach, Herr — 's is halt so mein Schenie —  
Ich hab' jo Ihne nit gekennt  
Un hab' gemeent, Se mache Schbuhze  
Un wollte sich mit mir nor uhze —  
Drum — nor nit uf die Folter schleppe,  
Gell, gnäd'ger Kurferscht — nor nit löppe!“

Do lacht der Kurferscht un sächt: „Neen,  
So iwel soll d'r's nit ergehñ.  
Du hoscht jo nor deñ Plicht gedhañ,  
Wie du so ehrlich un so treu  
Gebliwe bischt bei deine Säu'  
— Recht geern erkenn' ich des jo an —  
Doch mit 'm Maul bischt vorne drañ,  
Des losscht de arg schbaziere gehñ —  
's is meiner Seel fascht nimmer schön.  
Doch des is jo e nationeller  
— So was mar sächt — 'n Raffesfehler,  
Un wann der Dodt do druf g'setzt wär',  
So gäb' d'r's ball keñ Pälzer mehr.  
Drum will ich nig aach driwer sage  
Un will d'r's nit zum Vorwurf mache.  
In summa glaab' ich doch, du werscht  
Emol 'n Dienschtman for dein ferscht,  
E recht 'n braver treier Mann,  
Uf den mar sich verlosse kann:  
Drum tret' in meine Dienchte ein,  
Du sollscht d'rerscht mein Reitknecht sein,  
Doch zeigst du dich adrett un willig,  
D'rnoochder — ich verschbrech' d'r's — will ich  
Nach weiter for dich forge dann:  
Ich mach' aus dir 'n Reitersmann,  
So daß du's nie bereie muscht,  
Daß du — keñ Säu' mehr hite dhust!“

Wer war do froher als der Bul  
Uadierlich sächt er „Ja“ d'rzu:  
Als Troßbu kummt er in de Schdall,  
Werd Reittnecht un Bereiter ball,  
Kurpälzischer Drachoner druf  
Un schwingt vun Schduf zu Schduf sich uf,  
Werd Korperal un — General  
Un hot sich for sein Kurferscht g'schlage  
An manche heeße Schlachtedage,  
Hot Glick un Unglick, Sorg' un Noth,  
Selbscht der Verbannung hartes Brod  
Mit ihm gedheelt bis in de Dodt,  
Korz war 'm Kurferscht grad so trei  
Wie friher — uf der Weed de Säu:  
Drum hot er in der G'schicht aach nor  
De Name „Der getreie Pjnor“.

\* \* \*

So war die G'schicht. — Jetz merkt zum Schluß  
Nor Eens noch, was ich sage muß:  
Mit jeder Sauhert hot so „Schwein“ —  
Do muß mar schon 'n Pälzer sein!



Des wär for die Kumbe gut!

Heit frih, wie ich for Zeitvertreib  
 Schbazieregeh', do schdeht e Weib  
 Mit junge Hundcher ime Perch  
 Um Marktlatz unne bei der Kerch,  
 For um de Leit' se zu verkaafe.  
 Noñ, junge Hundcher mache mir  
 — Des muß ich sage — Mordsbläfir:  
 Wann die rumborze odder laafe  
 Mit ihre dicke Dallbatsch-fieß  
 Un luschdig schbiele als, des is  
 Halt herzig un ich seh' d'r's lieber  
 Als e Kumeedi — 's geht nix driwer!  
 Derntwege denf' ich: „froscht emol,  
 Was so e Dhierche koschte soll,  
 Verleicht — du kannscht's jo — kaasscht d'r eens,  
 Verleicht aach — je noochdem — kaasscht keens!“

Ich also hin. — Kaum sieht des fleen  
 Nignutzig' Volk am Perch mich schdehn,

So fange alle an zu beddle  
 Un mit de Schwänzelcher zu weddle,  
 Un gucke mich halt an mit Lage,  
 Als wollte se jeh' zu mir sage:  
 „Potz Dunnerwetter, is d'r des e  
 Dhierquälerei! Mar schberrt een ein  
 Un löst een aach noch owedrein  
 Verhungre — höscht dann nit zu freffe?“

Noñ, newedrañ — glei linker Hand —  
 Do war d'r jehz zum gute Glick  
 E Schweinemegzders-fleeschbuidick,  
 Un dere henkt e Worschtgirland.  
 „Noñ,“ denf ich bei m'r, „kaaffcht 'mol dene  
 Dollbatsche, dene liewe fleene,  
 E Leewerworscht, — dann hungre misse  
 Im Aublick vun so Leckerbisse,  
 Des is was arg's uf jeden Fall:  
 Des is e Dandaluse-Qual!“ \*)  
 So denf ich' un kaaf' halt e Worscht  
 Un schmeiß' se dene fleene Worscht  
 Nein in de Perch un — do war's leh:  
 Ich trau' de Lage kaum, wie jeh  
 Die „liewe Dhierlin“ voller Wuth  
 Anpacke sich un bis uf's Blut

---

\*) Tantalus war zur Strafe für seine verübten Frevel von den Göttern in die Unterwelt gestürzt worden, wo er fortwährend den qualvollsten Hunger und Durst leiden mußte.



Mit ihre scharfe Zähn verbeiße  
Un an de Schwänz' un Öhre reiße,  
Dann jedes will d'r ganz alleen  
Des Werschtel freße un keens gunnt  
'm annre was d'r vunn jehund —  
Ich sag' eich, des war nimmer schön!  
Drum denk' ich aach: „Eich werr' ich kummel!“  
Un hab 'emol mein Schdock genumme  
Un hau halt druf, wohin's will gehn,  
Uf Kopp un Buckel, Bauch un Been,  
Daß alle freische un voll Schrecke  
Un Angscht sich dricke in die Ecke:  
Mein Werschtel awer hab' indeße  
Ich widder g'holt un — selwer 'geße.

Druf geh' ich heem noch ganz verzernt.  
Doch do haw' ich de Kopp halt g'henkt  
Un hab' d'r driwer noochgedenkt  
„Ei, guck' emol,“ denk' ich, „mar lernt,  
So alt mar is, vun dene Viecher  
Manchmal noch mehr, wie aus de Bicher:  
Bei dene Hund do geht d'r's ewe  
Grad zu als wie im Menschelewe.  
Die Viecher sin d'r lieb un niedlich  
Un lewe aach minanner friedlich,  
So lang als keen Brivadindresse  
— Des war d'r in dem fall des fresse —  
De friede schdört. — Doch wie des kummt,

Dann is's annerscht mit eem Schlag:  
Dann werd gebisse und gebrummt. —  
So is's bei de Mensche aach:  
Die sin d'r als, so viel wie's scheint,  
Minanner als die beschte freind,  
Doch wie d'r's Eener besser hot  
Als wie der Anner — lieber Gott,  
Dann is's mit der freindschaft aus  
Un feindschaft zieht d'rfor ins Haus,  
Dann Keener gunnt 'm Anner was:  
's is halt e gottverfluchdi Rast!  
Drum wär's wahrhaftig aach keen Wunner,  
Wann unser Herrgott als mitunner  
Nein uf des Gfindel fahre dhät  
Un aach — wie ich — wohin's nor geht  
Drufhaue dhät halt dunnerschdings  
Als mit'm Schdecke rechts un links,  
Daß alles hin wär' un sabut!!

Des wär' d'r for die Lumbe gut!  
Doch — unser Herrgott kummt nit runner:  
's is all' jo mit der Zeit der Wunner!



## Die pardeiisch Mudder.

E Mädelche, — e kleeni Krott,  
E neddi, pissig —, die hot  
Middags emol de Usdrag fricht,  
Ihr Briderche schön hinner's Haus  
Zu fahre in de Gaarte naus.  
D'bei sächt mit 'me schdrenge G'sicht  
Die Mudder zu'r: „Uwer, Gredche,  
Daß du m'r brav un folgsam bischt  
Un nit, wie geschedern erscht, am Misch  
Dich dreckig machscht: verschdanne, Mädche,  
Sunscht gibt's!“

Die Kleen sächt druf keen Wort,  
Sie lächelt pissig nor, voll Eischt,  
Un schiebt ihr Wägele halt fort,  
Ganz langsam un — direkt zum Misch.  
„Ich will doch sehe,“ denkt se, „wann  
Sich jehund unser kleener Michel  
Verdrecht, ob'n die Mudder dann

Nach so traktirt mit Schläg' un Brichel,  
Wie mich erscht gesckdern, odder ob  
Se gege mich nor is so grobl"

So denkt se un e Magedblick  
D'rnooch — liegt uf'm Mischd der Kleeñ  
Un freischt un schdrambelt mit de Beeñ.

Die Mudder hört's zum gute Glick  
Un kummt halt bei un legt d'r g'schwind  
Zns Bettche widder neiñ des Kind.  
Dann awer, ohne was zu sage,  
Legt se die Gredche uf de Schooß  
Un macht se emol hinne bloß  
Un hot se dichtig erscht verscklage  
— Ganz nooch Verdiencht — un d'rhernooch  
Sperrt se se noch ins Offeloch. —

Do hoct im Dunkle dann mein Gredche  
Un denkt: „Jetz weesß ich's for gewiß,  
Daß die Mama pardeiisch is,  
Dann wann der Bu sich dreckig macht,  
Krich' ich die Brichel, daß's fracht:  
Ach Gott, wär' ich doch nor keeñ Mäddchel!"



## E Rechenerembel.

Ime<sup>1</sup> fleene Pälzerschdädtche,  
Wo die Buwe un die Mädche  
In een Schul' minanner gehn,  
Is Egame vor'm Parre  
Un die Kinner hocke schön  
Wie die feschtküh' un feschtfarre  
Ufgebugt uf ihre Bänk,  
Kricke fascht vor Angscht die Kränk  
Un — sin dumm als wie die Schdöck.

Nor e Mädche — die neddscht  
Un vun alle die adreddscht<sup>2</sup> —  
Hot keen Angscht un gibt d'r fect  
Antwort uf e jedi frag,  
Gleichviel ob se gut sein mag  
Odder schlecht, des is 'r eens.  
„Mar werd's jo schun sage, wenn's

---

1 In einem.

2 von dem französischen adroit, geschickt, gewandt.

Dumm is, was ich sag',“ — so hot  
Halt gedenkt die knitz kleen Krott.

Jegund kummt d'r's Rechne drañ  
Un die Kleeñ fangt widder an  
Un soll drei un acht addire.  
Doch sie dhut's nicht recht fabire,<sup>1</sup>  
Un sächt alsfort: „Drei un acht  
Das macht Zehn!“ — Der Parre lacht  
Un sächt endlich zu'r: „„So?  
Wann ich sag', du sollscht fortlaafe  
Un mir schöne Äppel kaase  
for acht Penning — un for drei  
Penning Weißbrod noch d'bei:  
Wieviel Geld brauchschdt du dann do?““ —  
„Ei zehñ Penning!“ sächt die Kleeñ. —  
„„Ja, wie soll dann des zugehñ?  
Niemand gibt d'r's dod'rfor!““ —  
„O mein — freilich! Ich sag' nor,  
Daß's for — de Parre wär',  
Dann gibt's glei die Obstfraa her!“

Do muß halt der Parre lache,  
Daß er nit mehr weefß, was mache.  
„Du“ — sächt er — „weeschdt dir zu helse,  
Uwer — acht un drei macht else!““

---

1 kapleren (lateinisch) fassen, begreifen.



## Wie is's, Frau Rath?

(Jüdisch.)

Ä Handelsmann, der Moses Süß,  
Bringt der Frau Rath ä Sack voll Nüß'  
Und thut und spricht und schwört dabei,  
'aß es ganz gute Waare sei,  
Ganz frisch vom Baum und — schrecklich billig.  
Noñ die Frau Rath zaigt sich aach willig  
— Denn Nüsse ißt se gar zu gern —  
Und als sie hat geschlagen auf  
Ä paar, wo liegen obendrauf,  
Und hat gesehen, 'aß die Kern  
Sind leicht zu schälen und ganz frisch,  
Legt sie dem Moses auf den Tisch  
Sechs baare Mark und — ist betrogen,  
Denn, Gott, der Moses hat gelogen:  
Die Nüsse nur, wo liegen oben  
Im Sack, sind frisch und drum zu loben,  
Doch waiter unten sind se halt  
Verschimmelt, welk und taub und alt.

Gott, hat gejammert und geklagt  
Die gute Frau da, wie se schon  
Tags nachher die Entdeckung macht, —  
Wie dumm se war! — „Der Hauptkujon!“  
So kraischt se, „der Betrüger der,  
Der soll m'r nochmal kommen her:  
Ich werde reden mit dem Tropf!“  
Doch is ihr denn nicht recht geschehen?  
Hat sie denn Augen nicht im Kopf?  
Hat sie nicht können damit sehen?  
Es war ä rechter Unverstand  
Von der Frau Rath — es war ä Schand'!

's is gut. — E Vierteljährche is  
Vergangen, ohne daß der Süß  
Läßt blicken sich bai der Frau Rath.  
Da endlich wiederum betrat  
Ihr Haus er mit gehaimem Bangen —  
Und wird mit Schelten gleich empfangen.  
Der Moses tragt's als wie ä Held,  
Wie sehr die Frau aach zanft und schmält,  
Doch endlich, wie se fertig is,  
Da fragt er nor: „Wo sind die Nüß?“ —  
„Noñ,““ sagt die Frau, „wo sollen se  
Denn sein? Gegeffen sind se!“ — „Sooo?!“  
Ruft Moses da und lächelt froh,  
„Gegeffen?! — Noñ, was wollen Se?  
Wenn all' die Nüße sind gegeffen,



Dann sind sie doch wohl nicht gewesen  
So schlecht — denn schlechte ist mer nicht!  
Noñ, sagen Sie, wie is's?" spricht  
Er dann. „Ich hab' noch mehr von diese  
So ausgezeichnet gute Nüsse —  
Ganz frisch vom Baum und delikat:  
Soll bringen ich ä Sack, Frau Rath?"



## Nach e Grund.

Der Kaarlche liegt dodtschderwenskrank  
Im Bettche an der Diphtherie,  
Doch endlich is er, Gott sei Dank,  
Nach wochelanger Pfleg' und Mih'  
Gerett' soweit — nor muß er als  
Gebinselt werre noch im Hals  
Mit usgelöstem Höllschdeën,  
Un dod'rgege wehrt der Kleeën  
Sich jedesmol mit Händ' un Fiß' —  
Nadierlich, dann des Binsle is  
— Mar kann's wohl sage — gar keën Schleck.  
Drum wann er no de Binsel siecht,  
Macht er e Pännche schun un zieht  
Mit seine kleene Händ' die Deck'  
Blitzschnell als iwer Maul un Nas'  
Un freischt in Dodesängschte, daß  
Er sich nit binsle losse wollt',  
Un daß mar 'n halt gehñlosse sollt'.

Do zeigt d'r emol ernschten Blicks  
Die Mudder uf des Krucifix,  
Wo iwerd Bett hängt an der Wand  
Un nimmt de Kaarlche an der Hand  
Und sächt: „Guck nor de Heiland an  
Un nimm d'r e Exembel draß,  
Dann der hot, ohne nor zu klage,  
Viel ärgre Schmerze noch erdrage,  
Wie mar 'n hot ans Kreuz geschlage!“

Do schielt der Kleeñ e bißel nor  
Verschdohle unnerd Decke vor  
Auf an der Wand zum Krucifix  
Un guckt sich's an un — sächt lang nix.  
Doch endlich schiddelt der kleeñ Knopp  
Sein eegesinn'ge Lockesopp  
Un sächt: „Was dhu' ich dod'rmit,  
Mama, des will ich recht geern glaawe,  
Daß der als nit werd frische hawe —  
Wam' mar vun Holz is, kreischt mar nit!“



## Grad zu leed nit!

„Bawedddche, horch emol, mein Kind,  
Geh hol m'r doch e Körbche g'schwind,  
Die Hinkel gagse d'r eso  
Un unser Gockel hört d'r jo  
Nach gar nit uf mit Kreische mehr:  
Ich wollt' was wette druf, mir sinne  
Jez Eier dort im Schdällche hinne,  
Geh hol nor g'schwind e Körbche her!“  
So sächt die Mudder un die Kleeñ  
Schbringt fort mit ihre flinke Been  
Un glei druf kummt se widder un  
Hot in de Händ' des Körbche schun.

Die Mudder schdeigt zum Schdällche nuf  
Un macht d'r halt des Dhirche uf  
Un — „Jesses“, kreischt se, „des Bläfir!“  
Dann Ei an Ei, drei Duzend schier,  
All' blitheweiß, die liche do  
Im Hinkelschdällche uf'm Schdroh.

G'schwind fangt se dann an ufzulesc,  
 Kn aach die Kleeñ, die helft d'rzu  
 Un wie se fertig sin gewese,  
 Do will d'r halt die Krott bardu<sup>1</sup>  
 Die Eier aach ins Haus neittrage  
 Un loßt sich nit abwennig mache,  
 Wann schun die Mudder ängschtlich is  
 Un sächt: „Du werffst se for gewiß  
 Eweg, du dabbichs Gänsche dul“  
 Sie loßt nit nooch un gibt keeñ Ruh',  
 Bis daß 'r dann die Mudder halt  
 Den schwere Korb gibt in die Hand  
 In ihrem — dumme Unverschdand,  
 Dann kaum macht se zwee Schritt, so fällt  
 Die Kleeñ un schmeißt die Eier all'  
 Uf's Plaschter, daß se radikal  
 Kaput sin un die Schale ime<sup>2</sup>  
 Eiweiß un Dotter-Meer rumschwimme.

Poß Herrgott, war d'r des e G'schicht!  
 Denkt Eich den Zorn nor un des G'sicht,  
 Wo do die Mudder hot gemacht!  
 „Du Gans du, ham' ich d'r's nit g'sacht —  
 Du Schinnoos du, — du Lumbekrott,  
 Du miserawli dul“ so hot  
 Se jetz des Mädelsche verschännt

1 Verfeigerung des französischen partout = durchaus, schlechterdings.

2 in einem.

Un, weil se sich vor Jörn nit kennt,  
D'rbei als — mit Reschbedt zu sage —  
'm nix wie's Hinnerche verschlage  
Un endlich, wie die Kleen sich aach  
Verbidde un verbeddle mag,  
Derwischt se se noch owedreiß  
Un schberrt se in des Schdällche nein.

Des war dem Kind doch iwerdrime,  
Der Deiwel wär' do kalt geblime:  
Sie guckt d'r an dem Hinkelhaus  
Dorch's Schieberche un kreischt d'r raus:  
„Soo, waart' nor, Mudder, — wann du aach  
Mich meind'rweg' de ganze Dag  
Do in de Hinkelschdall dhuscht schberre  
Un meenscht, ich dhät d'r deffentwege  
Do hin jetz annre Eier lege,  
So sag' ich doch, du sollscht dich erre:  
Neeñ, Mudder, neeñ — ich leg' d'r keens,  
Neeñ, grad zu leed nit — aach nit eens!“



II.

Lyrische und Scherz-Gedichte.

55  
9

## 's Meeschderschdicke.

E Mädche, jung und feiñ un schön,  
Mit rothem Mäulche, Perlezähñ  
Un Appelbäckcher, rundem Kinn  
Un meind'rweg e Gribche drinn,  
Schneeweißter Haut un helle Age:  
Des is was nett's! 's is sozusage  
— Laut sag' ich's un nemm's nit zurüch —  
'm liewe Gott seiñ Meeschderschdicke!

Un wann eem eens im Arm drin ruht,  
Des zu eem sächt: „Ich bin d'r gut,  
Un wo ich gehñ nor mag un schdehñ,  
Denk ich an dich, an dich alleen,  
Dann du bist all' mein Freed un Gluck“ —  
Un wann's seiñ Ärmcher um een schlägt  
Un 's Köppche an die Brust eem legt  
Un eem e langer süßer Blick



Druß sächt, daß d'r's eem frei wie Gold  
fors Lewe angehöre wollt':  
Dann — des aach nem' ich nit zurück —  
Macht's Meeschderschdick sein Meeschderschdick!



## Mein Schatz.

Mein Schatz, des is e Mäddche,  
So gibt's halt gar keens mehr,  
Mit eens hat's noch im Schdädtche  
Des wie mein Kiesche wär',  
So goldig, lieb un herzig!  
Un hätt' ich unner verzig  
Die Wahl, ich nähm' uor die  
Un sunscht keen anneri!

Warum? des will ich sage:  
Se is halt gar so schön  
Un hot d'r e Paar Age,  
Des muß e Jedes g'schdehn:  
So Age hot nit eeni  
Dun alle Mäddcher — keeni  
Hot Age, wie des sin,  
In ihrem Köppche drin!

So weech wie Sammet is d'r  
Ihr Haut un weiß wie Schnee,  
Barad, Schnofe un Schbuhje.

Un Bäckcher hot se, wißt'r,  
So wahr als ich do schdeh',  
Als wie e junges Rösche!  
Un, ach, ihr schdumbig Mäsche!  
's gibt keens mehr so, ich wett',  
So herzig un so nett!

Un gar ihr Mäulche! — Jeßes,  
Des is so lieb un siß  
Wie Zuckerwerk: ich freß es  
Als fachtgar, wann ich's fiß'!  
Un selwer kann se kisse!  
So fißt — des muß ich wiße —  
Keen Mädche mehr, des is  
Ganz sicher un gewiß!

Un wann's als lacht, mein Liebche,  
Dann zeigt's sein Perlezähñ  
Un zeigt im Kinn sein Gribche:  
Ich möcht' als grad vergehñ!  
Dann 's is d'r gar so niedlich  
Un gar so abbediddlich,  
Mein freed un mein Bläfir —  
's macht mich ganz hinnerfir!

Un Händcher hot mein Liesche  
So zierlich un so kleen,  
Un — lieber Gott — e fiesche,

Sie kann fast nit druf schdehñ!  
Doch schbringe mit un danze  
Als wie die Rehlin kann se,  
Dann leicht is, wie der Wind,  
Des liewe gute Kind!

Noch manches könnt' ich sage,  
Was mein kleen Schätzche hot,  
Alleen ich darf's nit wage,  
Sunstcht schännt se, de lieb' Krott.  
's braucht's aach keen Mensch zu wisse:  
Neen, — loßt's Eich nit verdrieße,  
Doch ich sag' Niemand des,  
Was ich alleen nor weeg!



## E guter Roth.

Liewe Mäddcher, lößt eich sage:  
Wann 'r uf der Schdroß' als geht  
Odder bei Bekannte schdeht —  
Nor die Lage niederg'schlage,  
Wann e alter Jungg'sell grißt!  
Dann die Welt, die — wie 'r wißt —  
Gar geern räffonire dhut,  
Sächt, des schdünd' de Mäddcher gut.  
Zudem merkt der Gack dann aach  
An dem Aageniederschlag,  
Daf e Mäddche, jung un schön,  
Nig will vun so alte Kracher  
Un so Schbarafanzemacher  
Un — daß er könn't' weitergehñ.

Herengege, liewe Kinner,  
Schdickt nig Böf's jo d'rhinner  
Un 's is ganz was annerschts, wann  
Als emol e junger Mann

Zu 'me Gruß vor eich sein Hut  
Odder 's Käppche runnerdhut —  
Eener, vun dem 's ganz gewiß  
Un nit zu bezweifle is,  
Daß er eich im Herze trägt  
Un in Lieb' un Trei drin hegt:  
Dann braucht ihr als — sozusage —  
Keeñ so Schbarglemende<sup>1</sup> mache!  
Neeñ, ihr liewe Mäddcher all',  
Loßt eich sage: in dem fall  
Braucht ihr als nit eier' Uage,  
Eier' schöne, niederschlage.  
Kunträr, loßt eich mit Verdraue  
Neiñ wie in 'n Schbichel schaue,  
Daß d'r als der junge Mann  
Sehe un erkenne kann,  
Daß drin schdeht: „Ich hab' dich geern,  
Kiewer als sunschd alle Herrn —  
Derntweg' kumm', du kannschd m'r 's glaawe,  
Nor Korasch<sup>2</sup> — ich bin zu hawel



---

1 Ausflächte, Umstände. 2 Courage Mut.

## Was mach' ich do?

Ich bin d'r in're große Noth  
Schun seit e Wochner zwelfe,  
Un Niemand gibt m'r guten Roth,  
Ich weef m'r nit zu helse:  
Dann wann's zwee schöne Mädchen gibt,  
In die mar schderblich is verliebt,  
Dann weef mar nit, was mache —  
Des sin versuchde Sachel

Die Een is achtzehñ Johr erscht alt,  
Is blond, mit blooe Age,  
Un majeschtätisch vun Geschdalt,  
E Venus sozusage.  
Un wann se nor ihr Maul ufmacht  
Un sächt was, is's dief dorchdacht:  
's is werflich nor e Wunner,  
Daß ich's verschdeh' mitunner!

Die Unner is e kleeni Krott,  
Gar goldig, lieb un herzig,

Brinedd, mit Age — lieber Gott,  
Wer meent, 's gäb' mehr so, erret sich!  
Un alsfort is se freizfidel,  
So was mar sächt, e luschd'gi Seel,  
Dann dhu ich se was froge,  
So macht se nig als Schnofel

Jetz kummt d'rzu: 's hot d'r die Eeñ  
— Die Groß — schon ihr Vermeege,  
Doch hot die Anner aach — die Kleeñ —  
Ihr Midderlichs als eege.  
Un allezwee sin ziemlich gleich  
Vermeeiglich, wann aach grad nit reich,  
Un Jedi möcht' mich hawe —  
Ich weesß 's, ihr könnt's glaawel

Drum frog' ich jetz: was fang' ich an?  
Welli soll ich dann wähle?  
Mein Seel, ich bin recht iwel drañ,  
Des will ich nit verhehle!  
Sieng's nor: so wohr als ich do schdeh',  
Dum fleck weg nähm' ich allezwee —  
Doch is uf deitschem Bodde  
Des leeder Gott's verboddel

Mir geht's halt wie dem Esel, wo  
Nach schwankend is gewese  
Un nit gewißt hot, ob er Schdroh



Sollt' odder Heu als fresse:  
Die Groß is Heu, die Kleen is Schdroh —  
Die Wahl is schwer — was mach' ich do?  
Des soll m'r Eener sage,  
Dann 's sin verfluchde Sache!



## Uf Umweg'.

Dun dene Mädcher, wo d'r als  
Die schönschte gelte in der Palz,  
Die Blonde sin 's vor alle,  
Wo mir ganz b'sunders g'falle:  
Des sin d'r herz'ge Schätzcher,  
Sin grad wie junge Kätzcher,  
So schmeechlerisch un zart wie die!  
So is d'r halt e Brauni nie!

Des heeßt: 's hot hier doch Brauni aach,  
So schön als wie 'n Maiedag,  
Un drunner kenn' ich Eeni,  
So schön wie die is Keeni:  
Herrgott, hot die zwee Mäge,  
Ich sag' eich — nit zum sage!  
Die schdell' ich d'r wahrhaftig doch  
fascht iwer die Blondine noch! —

Doch ich will nit pardeiisch sein,  
's hot aach noch — ewe fällt m'r's ein —

E Schwarzj hier im Schädtdche:  
Potz Bliß, is des e Mädchel  
Die is, mein Seel, nit bidder,  
So gibt's keen annri widder:  
Die Hoor, die Haut — e wahri Pracht —  
Un Age, wie zwee Stern' bei Nacht!

Un feier' hot se — Sapperment,  
Hot d'r des Mädcl Tembrament,  
Die — die verschdeht zu kisse!  
Des, wißt'r, muß ich wisse:  
Dann ich will's lieber sage,  
Keen Schbarglemende mache —  
Dann wollt' ich's leegne aach — was badd's?  
Ich sag's: die Schwarzj', die — is mein Schatz!



## Waißt m'r Kaine?

(Jüdisch.)

Der Jhig, was ä Jingling is  
Per Saldo von fast verzig Jahr,  
— Kain schöner Mann, nain ganz gewiß  
Was wahr is, das muß blaißen wahr,  
Schön is er nicht: brandrothes Haar  
Und ins Gesicht ganz sommersleckig,  
Triefäugig, scheel und immer dreckig,  
Doch schlau berechnend und geschaidt,  
Wie, Gott sai Dank, all' uns're Lait —  
Nun, liebe Laitcher, Ebender  
Trifft aines Tags von ungefähr  
Den Hersch, der fragt: „Wie geht's, wie steht's?“  
„„Gott,““ sagt der Jhig do, „„schlecht geht's,  
Wann immer man is ganz allain:  
Dies Leben kann m'r nicht gefalle —  
Ich möchte haben aine Kalle<sup>1</sup>!““

---

1 Jüdisch-Deutsch, von dem Hebräischen Kallah, Braut.

„Noñ,“ sagt der Hersch, „was kann das sain?  
Du mußt halt gehn und aine frai'n!“  
„„Wie haist frai'n?““ — sagt der Jhig do —  
„„frai'n is wahrhaftig schnell gesagt,  
Doch sag' m'r nor das Aine: wo  
find Aine ich, die m'r behagt?  
Ich nemm' nicht Jede — nain, die Kalle,  
Die ich ämal m'r auserwähle,  
Mit der als Mann ich m'r vermähle,  
Derf nicht sain, wie die Andern alle:  
Se muß vor Allem haben Geld,  
Muß aine Dame sain von Welt  
Und schain wie Jephtha's Tochter — schain  
Von Angeficht und schain und sain  
Von Wuchs, nicht fett wie manche Dame  
— Gott sai's geklagt — von Juda's Stamme,  
Doch auch nicht wie die Gojimstöchter<sup>1</sup>  
So mager — nain das wär' noch schlechter:  
Zu ippig nicht und nicht zu schlank.  
Der Cäng<sup>2</sup> gesund, nicht blaß und frank —  
Auch muß se sain gebildet sain:  
Die Kalle, was soll werden main,  
Muß können sprechen ganz perfekt  
Französisch, englisch, italienisch,  
Auch spanisch, russisch und rumänisch  
Und schreiben alle ganz korrekt —  
Auch musikalisch — —““

---

1 Christentöchter. 2 Teint, Gesichtsfarbe.

„Izig, nain!“

Ruft jehz der Hersch, „zu allemdem  
Mißt se noch ganz meschugge<sup>1</sup> sain  
— Wahrhaft'gen Gott — — wenn se d'r nähm!“

„„Meschugge?! — Gott, wie haist! Maintwege —  
Was wär' m'r viel daran gelege?!““  
Sagt Izig da: „„Ich nemm' auch Aine,  
Was is meschugge! — Waist m'r Kaine?““



---

<sup>1</sup> verrückt.

## Nor gemithlich!

Neen, des kann ich nit verschdehñ,  
Wie mar mag uf Reese gehñ  
for Bläfir — des is zum Lache!  
Kam' mar sich Bläfir dann mache,  
Wam' mar reest die Kreiz un Quer? —  
Des Bläfir is nit weit her!

Schun beim fahre uf der Bahñ  
fangt d'r's ungemithlich an,  
Wam' mar do so rum werd g'schoddel  
Un verquatschelt un vernoddelt  
Grad als wie e Schdickel Dieh:  
Dofor haw' ich keen Scheniel

Kummt mar an d'rnooch un geht  
In e Gaschthaus Owends 'schbät,  
Heeft's, 's wär Alles voll — nor owe,  
— Iwer siewe Schdiege drowe —  
Do wär', wann's eem bassend wär',  
Noch e eenzig's Schdibche leer.

Noñ, mar nemmt's, wär's noch so fleen. —  
Mar is mid, will schlofe gehn:  
Do hot mar e Bett, wo Wanze  
Mitenanner Volka danze.  
Do — in dere Sauerei —  
Is 's mit deem Schlof verbei.

Mar verploogt sich die ganz' Nacht,  
Doch keen Nag werd zugemacht,  
Dann mar muß halt nix als frage,  
Daß mar möcht' vor Horn verbläße:  
Jesses, 's heißt mich meiner Seel',  
Wann ich nor d'rueß verzahl'!

Mar schdeht uf in aller Frih, —  
Frihschdict — un weesß dann nit wie  
Odder was mar jehz soll mache,  
For de Morge dodtzuschlage:  
Drum hoßt mar halt in e Kneip'  
Un trinkt Bier for Zeitvertreib'.

Mittags is des Esse schlecht  
Un der Wein is aach nit recht:  
Sächt mar awer was zu dene  
frecke Kellner, dhun die schänne  
Un mar hot zum Iwerfluß  
Nach noch Ärger un Verdruß!



„Nach dem Essen sollst du ruhn  
Und dabei ein Schläfschen thun,“  
Heeft's: doch will mar deffentwege  
Sich e bißel niederlege,  
find' mar nergends dod'rzu  
Keen gut' Blähsche un keen Ruh'.

Ganz verschloofe laaft mar drum  
In der Schdadt e Bißel rum,  
Kaaft was ein — dann Geld verkloppe  
Muß mar doch — peßt vier, finf Schoppe,  
Un wann 's Nacht werd, schluppt mar dann  
Widder in sein Wanzefahn.

Leutcher, neen: do haw' ich hier,  
In meim Mannem<sup>1</sup>, mehr Bläfir!  
Nooch'm Eße, voll Behage,  
Leg' mein Händ' ich uf de Mage,  
Dreh' mein Daume schdundelang,  
Bis zu schlofe ich aäfang'.

Wann ich ufwach', freet's mich dann,  
Daß ich widder esse kann:  
Derntweg' krich' ich jehz mein Brätche  
Un mein delikats Salätche,  
Geh' ins Bett un schlof d'rnooch  
Besser als der Großherzog.

---

<sup>1</sup> Mannhelm.

So halt' ich's johraus, johrein,  
Drum loß' ich des Reese sein.  
Aeen, uf des Bläsic verzicht' ich,  
Ich bin nit vergnüchungslichtig:  
„Nor gemithlich!“ denf' ich als,  
„Mich bringt Niemand aus der Palz!“



for die Zukunft weej ich, was ich dhu!

Schön Lenche schdeht im Gaarte hinnerm Haus,  
Koppt Blume ab un macht 'n schöne Strauß.  
Do kommt der Herr Baron, e alter Geck,  
Dum Schloß d'rhergetrambelt dorch de Dreck,  
Der siecht halt des schön Mädche un denkt: „Mein!  
Du dere geh' ich jetz in Gaarte nein,  
Ich hab' jo Zeit — un 's is ganz eenerlee,  
Ob ich do rumschdeh, ob schbazieregeh'!“

So denkt er un schleicht sachte wie e Katz  
Des Mädche an un hebt'r in eem Nu,  
Noch eh' daß se 'n siecht, die Lage zu.  
„Wer is's?“ frogt er im Diskant. — „„Mein Schatz!““  
So ruft d'r do schön Lenche ganz vergniecht.  
„Verrothel“ lacht jetz der Baron un zieht  
Sein Händ vun ihre Lage, un mein Lenche  
Guckt um un -- siecht des derre Huzelmännche.

„„Ach Gett, neen,““ sächt se ganz verschrocke do,  
„Ich bin jo lez — des heeßt, 'sis jo nor so  
Geredt geweist, — so wie mar halt als schwätzt —  
Ich hab' jo gar keen Schatz — Se derse 's glaawe —

Des weefß mar jo: die aarme Mäddcher hawe  
Keen Schätz!"

Do lacht der Herr Baron un peßt  
Se in de Baffe, dreht de Bart un sächt:  
„Ei, schönes Kind, dies wäre ungerecht,  
Ich selber wäre gern dein Herzensschätzchen,  
Wenn du für mich im Herzen hätt'st ein Plätzchen!"  
So sächt er un redt dann noch fell un des  
Un treibt seiñ Schbuhze mit'r un seiñ Schbäß,  
Un frogt, ob se Baronin werre möcht,  
Un anners Blech — ich weefß 's nit mehr recht.  
Schön Kenche awer macht d'r Knig uf Knig  
Un werd ganz roth — g'sagt hot se awer nig.

Do schmunzelt der Baron un sächt: „Wohlan,  
Bedenke dir's, ich spreche wieder an!"  
Mit dene Worte schiebt er ab, der dumm' alt' Geß,  
Un trambelt widder heem im Schoßfeedreck.

Schön Kenche awer guckt 'm nooch un henkt  
De Kopp un schdeht und simulirt<sup>1</sup> un denkt:  
„Des is jeh doch forjos, — der alt' Baron,  
Der schbindelderr' un schdeckeschdeif' Herr von,  
Mit seiner Glatz un seiner blooe Brill',  
Was der nor meent un was er vun m'r will!

---

1 Der Ausdruck „simulieren" hat in der Pfoß stets den Sinn von „nachdenken", niemals den von „sich verstellen".

Meent der verleicht, daß sich e junges Blut,  
Wie ich, in so 'n dumme Hauwekopp  
Vergasse odder gar verliewe dhut?  
Un glaabt verleicht der ufgeblose Tropp,  
Ich dhät' d'r uf seiñ dumms Gebabbel høre,  
Un ließ mich gar verleicht d'rdoch bethöre?  
Do brauchst er sich keeñ Hoffnung druf zu mache, —  
Was dhät dann dod'rzü mein Christtian sage!

Un doch — wanu ich m'r's iwerleg' — es wär'  
Jo möglich aach — zwar glaawe dhu ich's nit —  
Ich nemm' nor an jeh, 's wär' 'm Ernstcht d'rmit — —  
Erstcht letschtthin, 'sis noch keeñ drei Woche her,  
Do haw' ich so e schöne G'schicht gelese,  
Dodrin is aach e Herr Baron gewese,  
Der war, wie meiner, gar so arg verschosse  
In e blutaarmes awer bildschöns Mädche  
— Die allerschönscht vum ganze fleene Schdädtche —  
Daß er sich mit'r hot koblire losse.  
Jeh könnt's doch seiñ, des dhät aach mir bassire,  
Dann schön — ich will jo nit mit renommire —  
Schön bin ich d'r doch aach, so meen' ich als,  
So schön als wie nor Eeni in der Palz:  
Drum wann er werflich mich als fraa wollt hawe,  
— Ich dhu' d'r zwar, wie g'sagt, noch nit drañ glaawe —  
Do mißt ich m'r die Sach' halt doch bedenke,  
Ob ich seim Andrag nit Gehör sollt' schenke,  
Dann „gnädig fraa seiñ“ is doch aach nig Schlechts

Un — mit 'm Chrifchtian is d'r's doch nit Rechts! —  
 Zudem, wer weefß, verleicht in zwee, drei Jährche,  
 Do werre mir minanner doch e Päärche, —  
 Dann der Baron is alt — er kann jo fchderwe,  
 Un dann dhu' ich 'n ganz alleen beerwe  
 Un ich bin reich — fo reich, daß alle Herre  
 Sich um die fchön jung' fraa bewerwe werre,  
 Doch keen' vun alle nemm' ich dann zum Mann,  
 Als wie mein liewe, gute Chrifchtian!  
 Dem bleiw' ich trei als fraa Barouin aach —  
 Un was die Welt d'rvun aach denke mag:  
 Der werd mein Mann, der eenzig und alleen,  
 Und wann er aach dief unner mir dhut fchdehn —  
 Ich kann'n jo, der ganze Welt zum Bosse  
 For mein gut' Geld aach adlig mache losse,  
 For Geld fricht mar jo Alles heitzudag,  
 Warum dann nit e bißche Adel aach?!  
 Ja, ja, des dhu i fo gewiß — —

Ja so,

Ich dummi Gans, was babbel ich dann do?! —  
 Wie kam' mar sich nor so Gedanke mache!  
 Weefß Gott, ich muß jetz selwer drimer lache!  
 Neeñ, Herr Baron, uf dich will ich nit waarte,  
 Un for die Zukunft weefß ich, was ich dhu:  
 Geh' widder ich emol in unsern Gaarte,  
 Dann fchließ' ich fefcht des Gaartedhirche zu!“



Bleib im Land un nähr dich redlich!\*)

Jesses, Pankraz, is 's wöhr,  
Was ich hör' vun meiner Fraa —  
Pankraz, wie kummscht du m'r vor:  
Du wilscht nach Amerika?  
Fort vun liewe Neekerschdrand  
In des Jänkduddelland?  
Pankraz, neen — ich sag' d'r's offe —  
Des will ich vun dir nit hoffe!

Guck ich sag' nig weiter als:  
Iwerleg d'r's wohl d'rerscht,  
Eh' du vun der schöne Palz  
fort un iwers Weltmeer fährscht.  
B'sinn dich hin un b'sinn dich her,  
Dann des Meer is halt des Meer,  
frog dich, was du hoscht do hiwe  
Un uf was du hoffscht dort drime!

---

\*) Gedichtet als Beitrag zu „Geschichten und Bilder aus Baden“  
(zur silbernen Hochzeit des Großherzoglichen Paares, 20. Sept. 1881).  
Karlsruhe, A. Bielefelds Hofbuchhandlung.

Hier hofcht du e brächtigs feld,  
So eens find' der Bauersmann  
Nit mehr uf der ganze Welt,  
Nach nit iwern Ozean:  
Alles wachst in Hill un fill',  
Duwak, Hoppe — was mar will,  
Niss' un Quetsche, Rime, Zwiwel --  
Un der Wein is aach nit iwel!

Un dann denk an unser Vieh,  
Unser Ochse, unser Schwein,  
Unser Kälwer, unser Kih' —  
Könne die wo besser sein?  
Dann die Hinkel, Ente, Gäns:  
Schöners G'stichel gibt's jo keens!  
Un des weescht du doch aach: 's hot d'r  
Jedes Ei bei uns zwee Dotter!

Und was hot's hier schöne Schdädt'!  
Geht mar die Welt dorch un dorch,  
Gibt's keen Mannem mehr — i wett! —  
Odder gar e Ladeborg!  
Un bedenke aach: Pälzer sin  
All' die Zeit, wo wohne drin,  
Zeit' mit offne Händ' un Herze,  
Trei in freed un trei in Schmerze!

Un die Mädcher, wo's hier hot!  
Des sin Kinner: schön un rund,



Herzig, goldig — Sabberlot —  
Un an Leib un Seel aach g'sund!  
Sin als Mäddcher lieb un hold,  
Un als Weiwer treu wie Gold,  
Drum kam' mar's aach fack risgire,  
Eens als Weibche heemzuführen!

Endlich lebt der g'meene Mann  
Nergends in der Welt so gut  
Wie bei uns. — Wer schaffen kann  
Un sein Ärm' brav führen dhut,  
Hot keen Sorge un keen Not,  
Der verdient sein täglich Brot:  
Schlecht geht's hierlands meind'rwege  
Vor de Kümbe un de Träge!

Un soll ich was sage dann  
Noch vun unserm Vadder Rhein?  
Willst du dem als deutscher Mann  
Mit mehr „Schutz und Hiter“ sein,  
Mit mehr schdehñ als „treu Wacht“,  
Wann's drañ bligt un wann's drañ fracht,  
Wann d'r die franzose kumme  
Un ihr' Midraljeese brumme?!

Pankraz, neen, des wär' e Schand:  
Mir sin Männer vun der Schbrüg,  
Stehe fescht fors Vadderland,  
Vor de Rhein un „unsern“ früg!

Was e guder Pälzer is,  
Denkt eso, des is gewiß:  
Willst du, wam' mar uns dhut zähle,  
Bei der „Wacht am Rhein“ dann fehle?

Drum bleib dol — Weescht du, wie's is,  
Iwerin Meer? Guck, ich meen' als,  
's is dort aach keen Paradies  
Un noch lang keen „fröhlich Palz“!  
Derntweg', Panfraz, sei nit dumm,  
Bleib bei uns — ich bitt' dich drum:  
Auszuwannre is nit räthlich,  
„Bleib im Land un nähr dich redlich!“



## Der Boschdilljon vun Ewerbach.

(Melodie: Der Jäger aus Kur-Pfalz.)

Der Boschdilljon bin ich,  
Der Boschdilljon vun Ewerbach,  
Fahr' Morgens in der Frih'  
Nach Erbach jeden Dag.  
Trari, Trara,  
Mor alsesfort fidel, fidell!  
Hab' ich d'r aach keen Geld:  
Ich kumm' doch dorch die Welt!

Keen Mensch hot's doch so gut,  
So gut wie ich do uf meim Bock:  
„Was föscht die Welt?“ frog' ich,  
Wann ich do home hoek!  
Trari, Trara &c. &c.

fahr' ich zum Boschdhof naus,  
So werd d'rerscht emol gefnallt,

Dann bloos' ich uf mein Horn,  
Daß's nor so hallt un schallt!  
Trari, Trara 2c. 2c.

Die Mädcher in der Schdadt,  
Die wache alli uf d'rrou  
Un jedes denkt: „Jetz bloost  
Der luschdig Boschdilljon!“  
Trari, Trara 2c. 2c.

Dann geht's zum Schdädtche naus  
Un vorwärts, alsfort flott eweg,  
Mein Branne alle drei  
Die kenne schon de Weg!  
Trari, Trara 2c. 2c.

Js aach mein Wage schwer:  
Der Boschdjakob fahrt alsfort gut,  
Wann jeder Passaschier  
Die Räder schmiere dhut!  
Trari, Trara 2c. 2c.

Kumm' ich in Erbach an:  
Do seh' ich schon vun weitem als  
Mein Schatz am Hausdhor schdehn,  
Die schönscht' Mahd vun der Palz!  
Trari, Trara 2c. 2c.

Dann nimm' ich g'schwind mein Horn  
Un schwenk' mein Hut un bloos' d'rzu:  
„Feinsliebchen, sei gegrüßt,  
Herzliebstes Mädel du!“

Trari, Trara 2c. 2c.

Un fahr' ich widder fort:  
Dann setz' ich mich halt uf mein Platz  
Un knall' emol un bloos':  
„Adje, herzlichster Schatz!

Trari, Trara

Der Boschdilljon vun Ewerbach,  
Der is e treii Seel  
Un alsefort fidel!“



## Die schwer' Wahl.

Wann mich emol Eens uf die Brob' schdelle dhät,  
Daß ich, sozusage, zu wähle hätt',  
Ob ich des allerschönscht Mädche der Welt  
Wollt' hawe, odder 'n Hanse Geld:  
Dann wär' m'r — des sag' ich offe — die Wahl  
E bisselche schwer un recht fadal.  
E Mädche zwar — so e herzigs fleens  
Blondinche — des ganz alleen wär' mein  
In Lieb' un in Trei': des wär' was arg Schöns!  
Des mißt jo der Himmel uf Erde sein!  
Dann wann ich d'r Owends heem als käm'  
Un dann mein' lieb' Weibche in Arm als nähm'  
Un rings um uns rum do dhäte viele  
So goldige lieve Kinner schbiele:  
Des wär' d'r joo — —

Halt, nor langsam! — Neen  
Ich glaab' — 's wär' doch nit — — gar so arg  
schön,

Dann wann ich so aarm wie jetzund wär',  
Wo brächt' ich dann Brod for die Kinner her? —  
Neeñ, neeñ, — 's hot sein Hocke, „sein Jddem“  
d'rmit:

Fascht glaaw' ich, ich nähm' doch des Mädche nit  
Un dhär' d'r schdatt desse — ich will's nit verhehle —  
Viel lieber den Haufe Geld halt wähle,  
Dann hätt' ich nor des: ame schöne Morge  
Wollt' ich m'r schun for e Weibche Sorge!



## Ich hab 'n Zorn.

Ich hab'n Zorn, ich könnt' die Welt verreiße,  
Un Alles zammeschlage un verschmeiße,  
Was ich nor seh' un in mein Händ' neiafrich, —  
Die Stern' vum Himmel möcht' ich runnerschänne  
Un mit'm Kopp dorch Wänd' un Maure renne,  
Als wie e Narr un wie e wildes Viech, —  
Vergifte möcht' ich Alles un verbrenne  
Un mit eem eenz'ge Schlag vernichte könne,  
Was Mensch sich heest uf dere Lumbewelt:  
Dann — heit is Kerwe un ich hab' keen Geld!





## Was badd' des dumme Schbare!

Mein fraa sächt alsefort: ich sollt' recht schbare,  
Daß mir was hätte for die schbätre Jahre,  
for 's Alter, wo mar nor noch brauche dhät'  
Un keen Erwerb un keen Verdiencht mehr hätt',  
Weil mar niz schaffe un verdiene könnt'  
Mit seine Wackelbeen un Zitterhänd'.  
„Guck, Schorisch“, — so sächt se als — „was jeh du  
sä'scht,  
Des kannscht du schbäter ernte: wie die Saat,  
Eso die Ernt'!“ — „Du reddscht, wie du's ver-  
schdehst“,  
Sag' ich d'r dann. „Guck, Binde, akerat  
Eso hot friher aach mein Mudder g'sagt  
Un als mein Vadder 's Kewe schwer gemacht, —  
Doch was hot's 'n gebadd', des dumme Schbare?  
Jung is er run der Welt schun abefahre,  
Un was er g'sät hot, — hot sein fraa geernt'.  
Guck, Aldi, dodraus haw' ich was gelernt:

Du du nor selwer for dein Alter schbare,  
Wer wees, ich muß verleicht auch jung abfare.  
Drum trink' ich jeß, wo ich noch trinke kann,  
Dann des wees ich gewiß: e dodter Mann,  
Der trinkt nit mehr!“ — So sag' ich zu'r als.



## Des dumme Geuhz.

Wann nor die Leut' mit ihrem dumme Redde  
In Ruh' cen losse un verschone dhäte:  
Was geht se dann mein' Kopp an un mein' Glatz?  
Mein' Kopp is mein' un des sin meine Sache,  
Ob plott ich gehn will, ob e Ughel trage —  
Was branch' ich des Gebabbel dann? — Was hadd's?!

Ich hab' e Glatz — 's is wahr, ich muß es sage —  
Doch wär' des Unglick, meen' ich, zu ertrage,  
Wann nor des dumm' Geuhz ushöre dhät!  
Was brauche mir die Leut' dann deffentwege  
De Iwername „Plato“ beizulegen?  
Des is d'r doch e simbelhafts Geredd!

Ich war zwar alsfort schdill bei dene Bösse  
Un hab' m'r nie keen Jörn anmerke losse:  
Do kummt m'r Eener, den ich gar nit kenn',  
Beim Kechle letschthin drime in der „Krone“,  
Der heeßt mich aach „Herr Plato“ — Potz Millionel  
Ich hätt'n grad verreiße könne, den!

„Zum Dunnerwedder!“ fahr' ich uf, „wie könne  
Sie mich dann mit dem dumme Name nenne?  
Poh Sabberment, was fällt dann Ihne ein?!  
Dun meine freind' haw' ich's als Schbaf gelidde,  
Dun Ihne awer dhu' ich m'r's verbidde,  
for Sie möcht' ich noch lang keen Plato sein!“

„„So?!““ — fächt der druf — „„for was des Uf-  
begehre?!

Ich hab' zu Ihne ,Plato' sage höre  
Un derntweg' halt gemeent, Sie heeße sol  
Mir is's leed jo, wann Se nit so heeße —  
Des Mißverschdändnis is drañ schuld gewese,  
Doch des haw' ich nit wiße könne jo!“

Do fange halt die Unnre an zu lache,  
Un ich, — was haw' ich annerschts wolle mache —  
Ich lach' halt mit. Doch bei mir dent' ich dann:  
„Des soll m'r nit zum zweetemol bassire,  
Ich dhu m'r e Barick<sup>1</sup> jehz aquirire,  
Daß mich keen Mensch mehr ,Plato' heeße kann!“

Des Ding is gut. — Ich kaaf' m'r schdill un heemlich  
E Ugel un geh' Owends in die nämlich'  
„Bloomondags-G'sellschaft“ uf die Kegelbahñ.  
Doch des war leh! — Ihr könnt m'r's gar nit glaawe,  
Was die for 'n Schbefdäfel usg'föhrt hawe,  
Wie ich d'r rid' mit meiner Ugel an.

---

<sup>1</sup> Perade.

Doch ich denk: „Nacht ihr nor!“ — do freischd d'r Eener:  
„Der Plato is — Perifles morre, Männer:  
Perifles soll er heeße von jetz obl!“  
„„Ja, ja!““ freischd Alles, „„ja, so soll er heeße!““  
's is alleszanime for die Katz gewese,  
Wie ich d'rgege brodeschdirt aach hab'l

Seit selwigsmol loß' ich des Kechle bleiwe:  
Mich dhät der Zorn jo ganz un gar ufreiwe,  
Wann ich sollt' dene ihr Perifles sein.  
Der Deiwel hot den dumme Witß erfunne  
Un mir den Zwername ufgebunne —  
E siedigs Dunnerwedder schlag' do nein!



## Mein Milchkur.

Ich war 'mol krank, do sächt mein Graa:  
„Jez dhü' ich's nimmer annerscht,  
Ich hol' d'r for dein Podagra  
De Doktor her, sunscht wannerscht  
Am End' du ame schöne Dag  
Ins Jenseits niwer mit eem Schlag —  
Neeñ, neeñ, do muß was g'schehe!

Du weescht jo, 's is mit dere Gicht  
Wahrhaftig nit zu schbasse,  
Dann 's is e ganz verfluchdi G'schicht,  
Mar derf keeñ Zeit verbasse,  
Dannu manichsmol — bei meiner Seel —  
Werft se sich uf'n edle Dheel,  
Uf Unnerleib und Mägel“ —

Noñ, ich sag' nix. — Der Dokter kummt  
Un dhut mich vissidire,  
Hot dann was in de Bart gebrummt  
Dun „faschde“ un „Lazire“,

Un meent zuguderletscht, ich sollt',  
Wann ich noch länger lewe wollt',  
E schdrengei Kur gebrauche.

Vor Allem mißt' ich frih uffschdehñ  
Un nie keen Kaffee trinke,  
Mißt' nichdern als schbazieregehñ,  
Bis ich fascht um dhät sinke,  
Dann faschde, bis 's Middag wär',  
Un iwerhaabt nig esse mehr,  
Keen fleepsch, keen Worscht, keen Mehlschbeis.

Noch wen'ger herengege als  
Dirft mir aach nor 'n Troppe  
Dun Wein mehr kumme in mein Hals,  
Un Bier keen halwer Schoppe:  
Nor Milch wär' kinstig mein Getränk,  
Dann sunscht krächt' sicher ich die Kränk,  
Eh' daß e Johr vergehñ dhät.

So hot er g'sagt. — Ich awer denf':  
„'s Gewidder soll neinschlage,  
Do frich' ich lieber glei die Kränk,  
Als nor zwee Däg mein Mage  
Eso zu maldrädire — neen,  
Milchtrinke un Schbazieregehñ  
Des sin nit mein Passione!“

Des Ding is gut. — Am annre Dag,  
frihmorgens schun am Viere,  
Weckt mich mein Fraa un sächt: „Jez mach  
Dich raus zum Brumenire!<sup>1</sup>  
Dann, Alder, weescht, des is d'r g'sund,  
Drum laaf' du jez nor vier, finf Schdund,  
Dann trintscht dein Milch im Milchhof!“

Ich sag' keen Wort, denk' nor d'rbei:  
„Ich fercht', du werscht dich schnerre,  
Kuhmilch un die dumm' Laaferei,  
Des kam' mer g'schdohle werrel  
Neeñ, neeñ, ich weesß, was besser is,  
Als laafe mit so böse fiesß  
Un Kuhmilch d'rzu trinke!“

So denk' ich un geh' bis zur Brück  
Grad hinne an meim Gaarte,  
Do kummt e Drotsch<sup>2</sup> zum gute Glick,  
Daß ich nit lang muß waarte:  
Do hoch' ich freizfdel mich nein  
Un vorwärts geht's dann naus an Rhein,  
Ins „Reschdoran“<sup>2</sup> zum Dampfischiff.“

Do b'schdell' ich — weil der Dokter mir  
Mehlschbeise, Wörscht' un Brote

---

1 Ficmeniten, von dem französischen promener spazierengehen.

2 Restaurant, Restauration.



Un eweso aach Wein un Bier  
Un Kaffee hot verbode —  
E Hechtel mit Kardoffel schnell  
Un for zum Trinke e Budell  
„Liebfrauemilch“, vum beschte.

Ich sag' euch, 's hot m'r brähdig g'schmeckt,  
Hab's rums un schdumbs<sup>1</sup> ufgeffe  
Un aach mein Deller noch abg'schleckt —  
's is gar zu gut gewese!  
Un erscht die Milch! Noñ, ich sag' nor:  
Hut ab un Hochachtung d'rfor,  
So eeni gibt's nit widder!

Drum haw' ich d'r zum Noochdisch aach  
Noch e Budell getrunke  
Un hab' dann endlich allgemach  
Mein Gutscher hergewunke.  
Der fahrt mich druf reddur-zurick,  
Bis widder an die Neckerbrück,  
Do bin ich ausgeschiede.

Dags druf mach' ich d'r's grad eso,  
B'schdell nor glei zwee Budelle  
Un schdatt 'm Hechtel frich' ich bloo  
Ab'g'sottene forelle:

---

<sup>1</sup> so viel wie „vollständig.“

Die ware widder delikat,  
Un wie ich dann genug hab' g'hatt,  
Bin widder heem ich g'fahre.

Um dritte Dag gibt's im Hodel  
famosse frische Felsche,  
Die loß' ich backe halt un b'schdell  
M'r widder zwee Budellche  
Dun dere gute „Milch“ d'rzu  
Un hoch' d'rbei in guter Ruh'  
Bis daß mein Drotsch<sup>1</sup> is kumme.

So dreiw' ich d'r's fast verzeñ Däg'  
— Die Kur war gar nit bidder —  
Do find' d'r halt emol de Weg  
Zu mir der Dokter widder.  
Der hot mich dann jetz viffidirt,  
Gefnotsch<sup>1</sup>, gekloppt un maldrädirt  
Un sächt dann: „'s is schon besser

Drum mache Se mit Ihrer Kur  
Nor weiter noch vier Woche  
Dann bleibt zuguterletscht keñ Schbur  
Dun Gicht in Ihre Knoche.  
Doch trinke Se m'r nor keñ Wein,  
Dann der mißt' Gift for Ihue sein —  
Nor Milch, wie all' die Zeit her!“

---

1 so viel wie „gefnetet.“

Do haw' ich nix d'rgege g'hatt,  
Des haw' ich geern verschbroche,  
Un — 's hot aach richdig was gebadd':  
Ganz gichtfrei sin mein Knoche.  
Doch wann 's e bißfel als nor schbuckt  
Un mich in meine Beener juckt,  
Dann — fahr' ich g'schwind ins „Dampfschiff.“



### Lumbe = Logif.

Holzäppel sin keen Biere,  
Un Kersche sin keen Nisß,  
Seef kannscht uf's Brod nit schmiere,  
E Bittre schmeckt nit siß.  
Knackwerscht sin keen forelle,  
Ölfrig' keen Weinbudelle,  
Wer Geld hot, is keen Lumbe,  
Wer keens hot, — sauft uf Pumb.

Mit Schnee kam' mar nit heeze,  
Petroleum is keen Wein,  
Borzlan, dhut mar nit beeze,  
Was dein is, is nit mein.  
Aufklaab, des is keen Knaschter,  
Worschtthaut keen englisch Plaster,  
Dein Händ' sin nit dein Fieß'  
Un fleesch is keen Gemij'.

Belz tragt mar nit im Summer,  
Im Winter bliht keen Ros',  
E Quetsch is keen Gugummer,  
Un Kleen, des is nit Grof.  
Bladane sin keen Danne  
Un Kasserol keen Pannue,  
E Sie, des is keen Er,  
E Knecht keen Millionär.

's is Alles in dem Lewe  
— Des is nor zu gewiß —  
Allkeen un eenzig ewe  
Halt des nor, was 's is.  
Wär's nit so: Poh Kanone,  
Dann hätt' ich aach Millione  
Un wär' — gieng's nooch meim Sinn --  
Der Lumb nit, der ich bin!



## Ich hab' keeñ freed uf dere Welt.

Ich hab' keeñ freed uf dere Welt,  
Dann ich hab' leeder Gott's keeñ Geld,  
Doch Schulde — nit zum sage:  
Un die, die bringe mich um jed'  
Bläfirche un e jedi freed' —  
's Gewitter soll neinschlage!

Wenn Morgens ich ufwache dhu,  
Do is's aus mit meiner Ruh',  
Dann jetz dhut's nig als schelle  
Un meiner Dhir. Die Judde sin's,  
Die freische all': „Main Geld — main Ñins!“  
Daß m'r die Ohre gelle.

Kaum sin die fortkumbementirt,  
So weech ich schun, was jetz bassirt:  
Mein Hausherr kummt geloffe  
Un sächt: „Wann ich jehund keeñ Geld  
Zu sehe frich', — d'rnooch hot's g'schellt,  
Des sag' ich Ihne offel“

Noñ, ich vertröschl' aach den: do kummt  
Mein Schuster in die Schdub un brummt,  
Er mißt' sein Geld jehz hawe,  
Dann schdolpert aach mein Schneider rein  
Un schännt un will bezahlt halt sein, —  
Doch ich denk': „Kricht die Schawel!“

Kaum haw' ich die aach fortschbedirt,  
Do kummt der Megzder anmaschirt,  
Der Bäa' dhut sich einfüne.  
D'rnoochder kummt d'r e ganz Heer  
Dun Bierwirth und Reschdaurateer  
Mitsammt de Kellnerinne.

Cigarrehändler kumme aach,  
Dann 's is so mein Passion, ich raach  
De ganze Dag Cigarre.  
Des is mein eenzigi Bläfir,  
Mein Havanah, die gunn' ich mir, —  
Do kann ich nit drin schbare!

Nadierlich zahl' ich se nit baar:  
Des Geld is heitzudag so rar  
Un Havanah sin dheier.  
Ich kaaf' ball do, ball dort uf Pumb,  
Heest mar mich zehñmol aach 'n Lumb —  
Mich riht nit die alt' Feier!

Ich hör' d'r se jo jeden Dag,  
Do gewöhnt mar sich draß nooch un nach —  
Doch awer sin's so Sache:  
's geht fort eso run frih bis schbät,  
Drum haw' ich uf der Welt keen Freed,  
's Gewitter soll neinschlage!





## Mein Fraa hot recht!

's is doch forjos, daß d'r mein Alte  
Halt alsefort muß recht behalte:  
Wann die emol was sächt,  
Hot se, beim Deiwel, recht!

Heitmorgens frih, wie ich uffschdeh'  
Un nooch'm Wetter drauße seh',  
Sag' ich: „Heit gibt's 'n heeße Dag,  
Wer weeiß, Fraa, was der bringe mag!“  
„„Noñ““, sächt mein Fraa do, „„was des is,  
Des weeiß ich schun for ganz gewiß:  
Der Dag bringt dir, wie jeder Dag,  
Den unser Herrgott gewe mag,  
Dein Rausch — un mir, wie alle Däg',  
Schbekdadel un Verdrusch un — Schläg'!““

Ich hab' d'r druf keen Wörtche g'sagt,  
Hab' schdill mich an mein G'schäft gemacht

Un hab' gedenkt: „Heit' soll mein Alte  
Emol gewiß nit recht behalte!  
Heit werr' ich zeige, was 'n Mann,  
Wann er nor will, dorchs'ihre kann:  
Heit' — meiner Seel, 's wär' jo e Schand —  
Heit' frich' ich ganz gewiß keen Brand!

Korjos! Der Deiwel wech: trotzdem  
Trag' ich jetz doch mein Schbigel heem —  
's is zwar e kleens nor vorderhand,  
Doch bis heit' Owend werd's 'n Brand  
Bei dere Hitz' — des weech ich wol —  
Heit' Owend bin ich schbriger voll  
Un dann — hot halt mein Kathel recht!  
Doch trifft des ein: hernoochd'r möcht'  
Ich nor aach wisse, ob mein Alte  
Nach dodrin noch werd recht behalte,  
Daß se zum Schluß vun dere G'schicht  
Heit Owend aach — ihr Schläg' noch fricht!



## Die dumm' Nas'.

Schun oft haw' ich d'r Schkrubbel fricht  
Un hab' gedenkt: for was  
Hot mar nor mitte in seim G'sicht  
Die dumm eenfältig Nas'? —  
Des soll m'r Eener sage,  
Mir liegt's oft schwer im Mage!

Sunscht is d'r doch an unserm Leib  
— Des is jo gar keen frog' —  
Mit jedem Glied, bei Mann un Weib,  
E Zweck verbunne doch:  
E jed's hot — 's is nit ohne —  
Sein — wie heeßt's glei? — funktionere.

Zum Höre hot der Mensch des Ohr,  
Zum Sehe dann des Nag,  
Sich zu frisure hot er 's Hoor  
Un 's Maul zum Trinke — aach

Zum Effe wie zum Raache  
Un Redde — sozusage.

Fieß' hot mar zum Schbazieregehñ,  
for 's Glas zu hewe, Händ',  
Im Maul hot mar zwee Raihe Zähñ,  
Daß — wann die Peif' als brennt —  
Mar ruhig kann drañ lutsche,  
Weil se nit raus kann rutsche.

Nach bei de annre Glieder all'  
Is d'r's grad eweso,  
Dann 's is d'r doch uf jeden fall  
Keens nor als Hierrath do:  
Nothwennig is e jedes, —  
— Wer noochdenkt, der verschdeht des! —

Nor des, warum mar die dumm Nas'  
Hot mitte in seim G'sicht,  
Verschdeht' ich nit! — Ich glaab, nor daß  
Mar als 'n Schnubbe fricht  
Un daß mar se muß buge —  
Des is ihr een'zger Nutz!

Ich wißt' d'r wenigschdens sunscht keen,  
Dann 's Schnaufe gieng' ganz gut  
Nach ohne den — Löthkolwe den,  
Wo een nor ärgre dhut:

Dann denkt nor, was der Zinke  
Een als schenirt beim Trinke!

Un 's is d'r arg schenant doch aach  
Un 's furt een elend jo,  
Daf d'r die Nas' als nooch un nach  
Werd roth un grün un bloo:  
Dann Alles macht sein Glosse  
Als drüwer un sein Bosse!

Drum frog' ich nochemol: for was  
Hot mar nor in sein Gesicht  
Die dumm eenfältig g'schwolle Nas'?  
Des is e Deiwelsg'schicht!  
Ich möcht' se grad rausreißē  
Vor Jörn als — un wegschmeißē!



## Die Baurebeicht.

„Horch“, sächt e Fraa zu ihrem Mann,  
„'s is Wsch'dre: gute Chrischde  
Dhuu do — des weescht jo Chrischdian —  
Als ihr Gewisse mischte.  
Die Baure all' gehn hiñ zur Beicht,  
Drum meen' ich als, du könntscht verleicht  
Emol aach widder beichte!“

Der Chrischdian fragt sich hinnerm Ohr  
Un sächt: „„Noñ meind'rwege,  
Ich geh' d'r beichte aach desjohr,  
Ich hab' jo nig d'rgegel  
Doch — waart' emol — nor hibsch gemacht,  
's is halt d'rmit doch so e Sach —  
Ich weesß jo gar keen Sindle!““

„Ei“, sächt die Fraa, „was soll des sein?!  
Dhu du dich nor recht b'finne,

Dann falle dir dein Sünde ein —  
Genug werst du dann sinne:  
Denk' nor an selli Knackworscht aach,  
Wo am Charfreitag-Vormiddag  
Du hoscht zum Frihschdick g'fresse!"

Der Bauer setzt sein Schwegg' uf  
Un macht sich uf die Socke  
Un schun e Vertelschdindche druf  
Dhut er im Beichtschduhl hocke  
Un beicht 'm Parre halt un g'schdeht,  
Dass er als Knackworscht esse dhät  
Am heelige Charfreitag.

„Was is des?" freischt der Parre do  
Un hubst fascht aus 'm Kaschte,  
„Charfreitags fleesch?!" des is d'r jo  
Entsetzlich! — Heest des faschte?!"  
Ihr Schlemmer Ihr, — Ihr Sinder Ihr!  
Do gibt's jo gar keen Buß' d'r für —  
Charfreitags fleesch — 's is schrecklich!

Für wohlverdiente Schdrof d'rfor  
Is Euer Seel verlore,  
Un Ihr mißt hunderttausend Johr  
Im Höllefeier schmore!

---

1 Zusammengezogen von „Sieh' weg", ein breitkrämpiger Hut, auch „Nebelspalter" genannt, der in der Pfalz allgemein von den Bauern getragen wird.

Un noddabene: Enern Schdolz  
Zu breche, sollt Ihr selbscht des Holz  
Zum Feierschüre liefre!

Des gew' ich Euch als Buß' jeh uf:  
Drum bringt m'r nor 'n Wage  
Voll Brennholz in de Parrhof 'ruf  
Glei in de nächschde Dage.  
Verleicht — wann's gut is un recht scheen —  
Werd' ich mich dann d'rzu verschdehn,  
Die Schdrof Eich abzuferzel" —

Dem Bauer schdehn die Hoor zu Berg  
Wie wann er schun dhät brenne,  
So laaft er fort, 'naus aus der Kerch,  
Un dhut d'r heem halt renne  
Un schbannt sein gröschte Wage an  
Un macht sich aageblich drañ,  
Sein schönscht's Holz ufzulade.

Sein fraa guckt 'm verwunnert zu.  
„Ja, was soll dann des heeße?“  
So frogd se endlich, „bischd dann du  
Mit in der Beicht gewese?“  
„„Ei freilich““, sächt er, „„un zur Buß',  
Weil ich die Worscht hab' g'fresse, muß  
Ich Holz in Parrhof bringel““



„Was?!“ freischt die Fraa, „vum beschte Holz  
'n ganze volle Wage  
Nor wege dere Worscht?! Do soll's  
Gewitter jo neinschlage!  
Neeñ, Chriſchdian, neeñ, ich sag', do werd  
Nig draus: die Worscht is des nit werth, —  
Der Parre soll sich schnerre!“

„Drum dhu jetz nor, was ich d'r sag:  
'u Schubfarch ladscht' voll Welle,  
Die merr' ich dann heit Nochniddag  
Nein in de Parchof schdelle.  
Sin die 'm Parre dann nit recht,  
Un wann er schännt' un sunscht was sächt,  
Werr' ich schun mit 'm redde!“ —

Des Ding is gut. — Um Middag kummt  
Richtig die Fraa an's fahre.  
„Poß Dunner, was bringt die dann?“ brummt  
Do vor sich hin der Parre.  
Do sächt die Fraa: „'n scheene Gruß  
Dum Chriſchdian un — do wär' sein Buß' —  
Sie wiſte's schun, Herr Parre!“

„Was?!“ sächt der Parre, „was is des?  
Wie dhu Ihr Eich anschdelle?  
Ich glaab', Ihr treibt mit mir do Schbäß:  
Holz kriech' ich un keen Welle —

'n Wage voll! — Der Schubfardh do  
Is doch keen Wage — eweso  
Sin Welle doch keen Brennholz!“

„Sooo?!“ sächt die fraa jeh, „wann des is,  
Herr Parre, muß ich sage,  
Dann is e Worscht aach for gewiß  
Keen fleesch vor meine Nagel  
Un dessentwege meen' ich halt,  
Sell Werschtell wär' ganz gut bezahlt —  
Mit Welle anstatt Brennholz!“

Do lacht der Parre un sächt: „Mein,  
So will ich mich drein schicke,  
for desmol also mag's drum sein,  
Ich will e Nag zudricke.  
Doch wann der Chrischdian widder — wißt —  
Charfreitags als e Werschtel frist,  
Dann — is 's fleesch! — Verschdanue?!“



## 's is m'r Alles worsche!

Vun alle Giter in der Welt,  
Die leeder nit gleichmäßig  
Verdheelt sin — denket nor an's Geld! —  
Gibt's eens — un so viel weesh ich,  
Des bescht vun alle aach —: do drin,  
Des muß ich selwer sage, bin  
Ich gut dran, — 's is m'r worsche,  
Ich sag's grad raus: im Dorsche!

Wie viele Zeit gibt's heitjudag  
Mit so arg schlechtem Mage,  
Die hawe alsfort e Geflag,  
Sie könnte nig vertrage:  
Sie hawe nie keen Abbeditt,  
Sie esse nit, sie trinke nit,  
Der Wein is 'n ganz worsche,  
Sie hawe halt keen Dorsche!

Des kummt, gottlob, bei mir nit vor,  
Ich kann mich nit beklage,  
Dann wann was wohr is, is des wohr:  
Ich hab' 'n gute Mage,  
Un hab' d'r halt zu jeder Zeit  
Die Lemer uf der Summerseit:  
Mir is der Wein nit worscht,  
Dann ich — hab' alsfort Dorscht!

Schun Morgens, wann ich ufwach' als,  
So ame Uhrer Achte,  
Haw' ich e Dröckene im Hals,  
Die is nit zu verachte:  
Derntwege aach aus Vorsicht schdell'  
Ich neewe 's Bett als e Budell,  
Die trink' ich — 's is m'r worscht —  
Frihmorgens for mein Dorscht!

Zum Frihschdicke trink' ich widder Wein  
Bis ame Uhrer Zwelfe,  
Dann schdellt mein ärgschder Dorscht sich ein  
Un do kann halt nig helse:  
Ich trink, bis daß 's Nacht als werd,  
Wann aach mein fraa als ufbegehrt.  
Ich denk: „Wann du aach knorrscht,  
's is worscht, — ich hab' halt Dorscht!“

So leb' ich d'r halt Dag for Dag,  
Gottlob, ich kann 's jo mache,

Un was die Welt aach sage mag,  
Doderwer kann ich lache.  
Un wann se mir mein Dorſcht vergunnt  
Un ſchännt' un ſücht, ich treib's zu bunt:  
Des is m'r Alles worſcht,  
Mich freet mein g'sunder Dorſcht!



## Des kummt vum Schbazieregehñ!

Ume Sunndag, nooch'm Effe,  
— 's is e schöner Dag gewese —  
Sächt zu seiner fraa e Mann:  
„Alt, ich meen' als, mar kann  
Heut emol schbazieregehñ —  
Guck, des Wetter is so schön  
Un ich meen', des dhät Eem gut,  
Wam' mar alsfort schaffe dhut!“

Sächt die fraa: „„Noñ, meind'rwege,  
Männche, ich hab' nix d'rgege,  
Saase, des is g'sund: ich geh'  
Geern e Stindche odder zwee!  
Awer Eens bitt' ich m'r aus,  
Eh' mir nausgehñ aus'm Haus:  
Du verschbrichscht m'r's, gell? Heut werd  
In keem Werthshaus eingekehrt!““

„Neeñ — — sächt do der Mann, „nadierlich —  
Des wär' jo gar nit bläfirlich:  
Meenscht du dann verleicht, ich schlupp'  
Heut' in so e dumpfi Schdub?  
Ulti, neeñ, des dhu ich nit —  
Nit vor Alles!“ — dod'rmit  
Gehn die Zwee dann vor die Schdadt  
Uf die schön nei Brumenad.

Noñ, 's is ańfangs ganz gut 'gange,  
Bis der Ult' hot ańgefange,  
Mörderlich zu schwiße: „Neeñ“,  
Sächt er do un bleibt halt schdehñ,  
„Weiter geh' ich d'r keen' Schritt!  
Was dhu ich dann dod'rmit:  
Kumm do in den Gaarte reiñ —  
Do gibt's delikaten Weiñ!“

„Was?! — Willscht du deñ Wort dann breche?  
Haltscht du so mir deñ Verschbreche?!“  
Sächt die fraa do. — „Neeñ, mein Wort“ —  
Sächt er — „halt ich alsefort,  
Dann e Gaarte, Ulti, is  
Doch keeñ Schdub — des is gewiß:  
Drum wann du nit mit willscht gehñ,  
Dann geh' ich d'r halt alleeñ!“

Noñ, was hot se mache wolle?  
Hätt' se auße hñschdehñ solle,  
Bis ihr Mann — der Tappe der —  
Wider zu 'r kumme wär?  
Aeeñ, se geht halt mit'm neñ,  
Dann se denkt: „'s werd besser seìñ  
Ich behalt' mein Herr Gemahl  
In de Lage — in dem Fall!“

Zu 'me prächtig fihle Blätzche  
Fihrt der Mann seìñ „Herzensschätzche,“  
Un dann b'schdellt er uf der Schdell'  
„Dun dem Gute“ e Budell.  
Uwer eh' se do is recht,  
Hot er die schun leergezechet,  
Un kaum is e zweeti do,  
Geh't's mit dere grad eso.

Derntweg' b'schdellt er aach e dritte.  
Do fangt d'r die fraa zu bitte  
Un zu lamentire añ:  
„Jesses, Alter, denf doch drañ,  
Was du mir verschbroche hoscht  
Un — was all' der Wein do foscht!“  
Doch der Mann sächt: „Loß mich gehñ,  
Ich bin wie 'n heeßer Schdeen!“



Langsam, schluckessive roppt er  
Nach die dritt' Budell. — Dann kloppt er  
G'schwind kummt do der Kellner her,  
Ob „noch Eeni“ g'fällig wär'.  
„„Was — noch Eeni?!““ freischt d'r do  
Voller Horn die Fraa. — „„Eso  
Macht mar fort! Ich wollt 'm, dem —  
Saufaus? Neen, jetzund geht's heem!““

Jetz hot dann der alte Tappe  
Nig dhun könne, als — berappe,  
Dann wann d'r sein Fraa eso  
Mit 'm hot geredt als, do  
Hot er schun gewißt, 's is faul  
Un des Bescht, er halt' sein Maul.  
Er schdeht uf un — dorkelt fort,  
Sie folgt nooch un sächt keen Wort.

Wie se awer heem sin kumme,  
Do hot se 'n vorge numme —  
Jesses, hot die Fraa do g'schännt!  
Alles hot se 'n genennt,  
Was nor menschemöglich war:  
Siffer, Weinschlauch, Lumb, — sogar  
Schlechter Kerl un Jesuwit, —  
Doch mein Tappe mußt sich nit!

's is 'm Alles worcht gewese,  
Wie un was se 'n hot g'heefte,  
Dann im Kopp is' m's so dumm;  
Alles dreht sich mit 'm rum —  
Rund im Kreis rum — akerat  
Wie e großes Mählerad.  
Drum hot er keen Wörtche g'sagt  
Un hot sich ins Bett gemacht.

's dauert aach keen zwee Minute,  
Bis er schloft un schnarcht, der Gute,  
Schloft un doliegd grad wie dodt.  
Doch wie d'r ums Morgeroth  
Die Lenore fahrt, do wacht  
Er schun widder uf un macht  
Sein zwee Tage uf: Hergott,  
Was er do e Koppweh hot!

„Wer nor nig merke lossel“  
Denkt er un fahrt in sein Hoffe —  
Do bringt schun sein fraa Kaffee:  
„Männche, dhut der Kopp d'r weh?“  
Frogt se 'n voll Hinnerlischt.  
„Herr mein's Lewens, der du bischt“  
Sücht er, „'s is m'r schderwenschlecht!“ —  
„So? — des freet mich, dir g'schieht's recht!“

Barad, Schnofe un Schbuhje.

Wie verwunnert hot die Nage  
Er do zu 'r ufgeschlage:  
„Fraa, ich glaab', du bild'scht d'r ein,  
Daß der Wein drañ schuld mißt sein.  
Des is annerscht: ganz alleen  
Kummt des vum Schbazieregehñ  
In der Hitz — 's macht Een ganz doll.  
Geschtern war's zum letschtemoll“



## 's bressirt nit!

Ich wollt' nor Eens: ich wär' d'r nor  
Noch keen so alter Knoche,  
Den schon verleicht in zwee — drei Johr  
Der Baschdian<sup>1</sup> dhut verloche —  
Ich wollt', ich wär' noch jung un schön  
Un hätt' noch meine g'sunde Beeñ,  
So wie in meiner Jugend!

Herrgott, wann ich an selli Zeit  
— Mein Jugendzeit — dhu denke,  
Die hinner mir liegt schon so weit:  
Dann loß' de Kopp ich henke  
Un simulir' un simulir' —  
Un ganz vun selwer kumme mir  
Als Thräne in die Nagel

Dann, Dunnerwedder, was bin ich  
Als jung e Kerl gewese!  
Die Zeit, die hawe alle mich  
Nor „luschdger Peter“ g'heesse:

---

<sup>1</sup> Bastian, populäre Bezeichnung des Totengräbers.

Dann so wie ich war Keener mehr  
In alle Dörfer ringsumher —  
Des kann ich herzlichhaft sagen!

Keen Eenj'ger hot, wie ich, eso  
Als Schbuhje mache könne  
Un — wann's bressirt hot — als des Bloo  
Dum Himmel runnerschänne.  
Keen Eenj'ger war aach so fidel  
Un hot d'r so 'n Mordsgragehl  
Gemacht als uf der Kerwel

's hot aach keen Unrer in der Palz  
— Nach des kann ich wohl sage —  
Sich mit mir messe könne als  
Im Trinke un im Raache.  
Nach nit im Kechle — dann mit Schdolz  
Sag' ich's — ich hab' d'r Holz fir Holz  
Mit Vogefugle g'ischdoche!

Un wie haw' ich d'r als bussirt!  
Wie haw' ich könne danzel  
Was haw' ich Mädchen aach aing'fihrt  
Mit meine Schbarafanze:  
Dann Jedi war in mich verliebt  
Un — hinnenooch zum Dod bedribt,  
Dass ich se nor geuhzt hab'l — —

Du liewer Gott, wo is die Zeit  
— Die schön — doch hiñ nor kummel  
fort is se, fort — so weit, so weit:  
Sie hot ihr End' genummel  
Die Zeit sin dodt — 's is Alles dodt —  
Dodt sin die Mädcher rofigroth —  
Sin g'schdorne un begrawel

Nor ich alleen bin als noch do  
Un mach' d'r halt mein' Glosse —  
Un doch bin ich noch lewensfroh  
In dene alte Hoffe.  
Drum is mein' tägliches Gebet:  
„Herr, wie du willst — — doch meen 'ich, 's dhät  
Mit gar so arg bressire!“



III.

A n h a n g.

55

10

11

12



## Der Dank der Palz.\*)

Eine dramatische Scene.

Die Scene stellt eine Gegend am Rheine dar. Ein Schiffer tritt auf  
wischt sich den Schweiß von der Stirne und spricht:)

Gottlob, jetz bin ich endlich dol  
Des is keen Schbaß, do herzufahre,  
Sein Armschmalz derf mer do nit schbare!  
Im Rhein schdromuf — des wees mar jo,  
Des is e G'schäft — des will was heesse!  
Noñ, 's is nit 's erschtamol gewese  
Un werd aach 's letschtamol nit sein,  
Daß ich do rumfahr' uf'm Rhein,  
Dann mir zwee kenne uns gar gut:  
Bin nit umfunscht e Pälzer Blut.  
Drum wees ich aach, was mancher Mann  
Mit wees un aach nit wisse kann,  
Un hör' d'r aach un seh' d'r aach,

\*) Gesprochen von dem Königlich Württembergischen Hofschau-  
spieler Herrn Dr. August Baffermann auf einem am 9. März 1883 von  
der „Schlaraffia“ in Stuttgart veranstalteten Balle zum Besten der durch  
Überschwemmung des Rheins beschädigten Bewohner der Pfalz.

Was sunscht keen Unrer seke mag;  
Dann ich verschdeh 'm Rheim sein Schbroch —  
Sein Cowe un dann hinnenooch  
Sein zärtlich Murmle als — ganz gut,  
Wann mit der Palz er redde dhut.  
Dann grad wie wann voll Kiewesluscht  
E Bräutigam an seiner Bruscht  
Sein Bräutche hält, so schlingt der Rheim  
Sein Arm um sein geliebti Palz,  
Un heemlich sächt er zu'r als:  
„Du bischt mein freed un bischt halt mein,  
Wann ich in Jörn aach manchmol kumm'  
Un heftig bin un braus' un brumm'.  
Du nimmscht m'r des nit iwel — gell?  
Des is halt so mein Nadurell!“

So sächt er als un for gewiß  
Meent er 's aach ehrlich, dann er is  
'n Deutscher jo, e treies Blut,  
So echt wie Gold un seelegut.  
Drum is aach, trotz seim wilde Wese,  
Die Palz 'm — alsfort gut gewese  
Un hot d'r zu dem brumm'ge Alte  
Alsfort in Lieb un Trei gehalten.  
Sie hot gedenkt: „Er meent's als jo  
Nit böf' — 's is nor sein Art esol!“

Do förzlich — ich un niemand weesß,  
Warum — do werd er widder böf'

Un wälzt mit eenmol, iwer Nacht,  
Sein Woge her mit aller Macht  
Un reißt in seiner wilde Wuth  
Die Dämm' ein, gießt sein geeli fluth  
In Schädadt un Dörfer, Wiese, felder,  
Verungenirt die schönschde Wälder,  
Schderzt Häuser — ganze Dörfer ein,  
Un schäumt un braust halt wie noch nie,  
Un dhut d'r in seim Zorn, als wie  
Wann alleszamme hiñ mißt sein,  
Was Menschewerk nor is, forzum  
Geht mit der Palz erschrecklich um!

Die aarme Zeit — der Palz ihr' Kinner —  
Die wolle erscht an G'fahr nit glaawe  
Un denke: „Do schdickt nig d'rhinner,  
Wann der aach wild jetz dhut; — mir hawe  
Jo schdets verehrt de Vadder Rhein:  
Was sollt' er uns dann böf' jetz sein?“  
Doch wie des Wasser steigt un steigt —  
Un wie's die Dörfer gar erreicht,  
Wie's Haus un Schdall un Vieh verschlingt  
Un Alles — Alles drin versinkt:  
Do erscht erkenne se, wie's schdeht,  
Un Alles flieht, so schnell wie's geht,  
Die Kinner un — daß Gott erbarm'! —  
Die aarme Kranke uf'm Arm,  
Landeinwärts fort, nor nig als fort

Zum nächſte beſchte ſichre Ort.  
Doch all' ihr biſſel Hab' un Gut  
Des iwerloſſe ſe der Flut:  
's liegt Alles in dem naſſe Grab —  
Sie all' ſin jetz am Bettelſchtab! — —

Vier ſchrecklich lange bange Däg  
Schdeht's an, bis daß die Weg' und Schdeg'  
Sich trocke lege, daß mar dann  
Heem zu de Dörfer kumme kann:  
Doch jehund erſcht — du liewer Gott —  
Loßt ſich des Unſglück iwerſehe,  
Des iwerall do is geſchehe,  
Un all' des Elend, all' die Noth.  
Was vun Gebäulichkeete ſchdeht,  
Is rungenirt, — keen Bett, keen Klee  
Is mehr zu brauche, — alles Vieh,  
Die Gäl', die Ochſe un die Kih'  
Un Schwein un Kälber liege all'  
Verſoffe, dodt in ihrem Schdall,  
Kartoffle, Frucht un Heu ſin fort,  
Mitsammt der Scheuer weggedriwe,  
Un nig is dene Zeit' gebluwe  
Als Elend — mit eem eenz'ge Wort!

Doch Gott ſei Dank: im deutſche Land  
Do is mar — des is weltbekannt —  
Alliwerall un jeder Zeit

Zum Hülfe in der Noth bereit,  
Un Herz un Beutel hot mar offe  
for die, wo Unßglick hot betroffe.  
So is d'r's jetzund aach gewese:  
Kaum hot mar die Bericht geles  
Dun all' dem Jammer, all' der Noth  
In unsrer lieue Palz, so hot —  
„Im Preußenland, im Schwabenland,  
Soweit die deutsche Junge flingt  
Und Gott im Himmel Lieder singt“ —  
Mit offnem Herz un offner Hand  
E jedi Fraa un jeder Mann  
Hergewe, was 's gewe kann:  
Der Ceß bringt Weißzeich, Schdissel, Schuh,  
E Anneri tragt Kleeder zu,  
Weinhändler bringe was zu trinke,  
Die Bäcker Brod, die Megzder Schinke  
Un die Schlaraffe — liewi Zeit —  
Des sin d'r aach so gute Zeit:  
Die gewe gar heit' in dem Saal  
Den wunnerschöne Wohlthats-Baal

Mir aarme Pälzer awer wisse,  
Dafß mir Euch alle danke misse,  
Un derntweg' kumm' ich her vun dort  
Un bring' Euch Gruß un' Dankeswort!  
Die Palz selbscht hot m'r ufgetrage,  
Euch ihren b'sundre Dank zu sage

for Alles, was Ihr an 'r dhut  
Un ihre Kinner. „Ja, die Schwowe“ —  
So hot se g'sagt — „die muß ich lowe:  
Ich kenn' se wol, sie sin gar gut!  
Ich trag's aach in mein Schuldbuch ein  
Un lohn's mit delikatem Wein,  
Dann Diesjohr giebt's een, der werd sein:  
Der Vadder Rhein hot m'r's verschbroche,  
Un der hot nie sein Wort gebroche —  
Sein Grobheet dhut 'n nämlich leed,  
Wann freilich aach e bißel schbät!“

So hot se g'sagt, — ich mach' keen Bosse,  
Ihr könnt' Euch sicher druf verlosse.  
Drum: wachst diesjohr 'n guter Troppe,  
Un trinkt Ihr als d'rvun 'n Schoppe,  
So denkt bei jedem Schlickche als:  
„Des is der Dank vun „Fröhlich Palz!“



Im Verlag von **Adolf Bonz & Comp.** in **Stuttgart** sind erschienen:

## **Karl Stieler's Werke.**

- Drei Buschen. Weil's mi' freut! — Habls a Schneid! — Am Sunnawend'.** Gedichte in oberbaierischer Mundart. Mit Illustrationen in Holzschnitt von **Hugo Engl.** Groß Oktav. In Prachtband geb. 12.—
- Weil's mi' freut!** Neue Gedichte in oberbaierischer Mundart. 9. Aufl. Groß Oktav. Kartoniert *M* 3.—, eleg. geb. *M* 4.—
- Habls a Schneid!?** Neue Gedichte in oberbaierischer Mundart. 7. Aufl. Groß Oktav. Kartoniert *M* 3.—, eleg. geb. *M* 4.—
- Am Sunnawend'.** Neue Gedichte in oberbaierischer Mundart. 7. Aufl. Groß Oktav. Kartoniert *M* 3.—, eleg. geb. *M* 4.—
- A Hochzeit in die Berg'.** Dichtungen in oberbaierischer Mundart. Mit 25 Bildern in Lichtdruck von **Hugo Kauffmann.** 3. Auflage. Groß Oktav. Eleg. geb. mit Goldschnitt *M* 8.50.
- An der Sommerfrisch'.** Gedichte in oberbaierischer Mundart. Mit Bildern in Lichtdruck von **Hugo Kauffmann.** 2. Auflage. Groß Oktav. Eleg. geb. mit Goldschnitt *M* 8.50.
- Hochlandslieder.** 6. Auflage. Groß Oktav. Geh. *M* 3.60, elegant geb. mit rotem Schnitt *M* 5.—
- Neue Hochlandslieder.** 3. Auflage. Groß Oktav. Geh. *M* 3.60, eleg. geb. mit rotem Schnitt *M* 5.—
- Ein Winter-Idyll.** 13. Auflage. Mit dem Porträt des Verfassers in Lichtdruck ausgeführt nach dem Gemälde von **Hermann Kaufbach.** Oktav. Eleg. geb. mit Goldschnitt *M* 4.—
- Wanderzeit.** Ein Liederbuch. 2. Auflage. Oktav. Elegant geb. mit Goldschnitt *M* 4.—
- Kulturbilder aus Baiern.** Groß Oktav. Geheftet *M* 5.40, elegant gebunden *M* 6.—
- Aus Fremde und Heimat.** Vermischte Aufsätze. Groß Oktav. Geh. *M* 5.40, eleg. geb. *M* 6.80.
- Durch Krieg zum Frieden.** Stimmungsbilder aus den Jahren 1870 und 1871. Groß Oktav. Geh. *M* 4.—, eleg. geb. *M* 5.—
- Natur- und Lebensbilder aus den Alpen.** 2. Auflage. Groß Okt. Geh. *M* 5.40, eleg. geb. *M* 6.80.
- Reisebilder aus vergangener Zeit.** Groß Oktav. Eleg. geb. *M* 1.50

# Ludwig Ganghofers Werke.

## Hochlandsgeschichten.

Der Jäger von Fall. Eine Hochlandsgeschichte. Zweite Auflage. Mit Illustrationen von Hugo Engl. Hochelegant geheftet *M* 3. 50, hochelegant geb. *M* 4. 50.

Der Herrgottschneider von Ammergau. Eine Hochlandsgeschichte. Mit Illustrationen von Hugo Engl. Hochelegant geb. *M* 3. —, hochelegant geb. *M* 4. 20.

Der Edelweißkönig. Eine Hochlandsgeschichte. 8°. Geheftet *M* 5. —, elegant geb. *M* 6. —

Bergluft. Hochlandsgeschichten. 8°. Geh. *M* 4. —, eleg. geb. *M* 5. —

Almer und Jägerleut'. Neue Hochlandsgeschichten. 8°. Geh. *M* 4. —, elegant geb. *M* 5. —

Oberland. Erzählungen aus den Bergen. 8°. Geh. *M* 4. —, elegant geb. *M* 5. —

Der Ansfried. Ein Dorfroman. 8°. Geh. *M* 4. —, elegant geb. *M* 5. —

## Novellen und Romane.

Es war einmal . . . Moderne Märchen. Mit 83 Illustrationen. 2. Auflage. Hochelegant geb. *M* 3. —, hochelegant geb. *M* 4. 20.

Die Sünden der Väter. Roman. 2 Bände 8°. Geheftet *M* 10. —, elegant geb. *M* 12. —

Aus Heimat und Fremde. Novellen. 8°. Geh. *M* 4. 80, eleg. geb. *M* 5. 80.

## Gedichte.

Bunte Beil. Gedichte. 2. Auflage. 8°. Elegant geb. mit Goldschnitt *M* 4. 80.

Heimkehr. Neue Gedichte. 8° Elegant geb. mit Goldschnitt *M* 4. 80.

## Dramatische Schriften.

Dramatische Schriften. I. Sammlung: Oberbayerische Volksschauspiele. Inhalt: Der Herrgottschneider von Ammergau. — Auf der Alm. — Der Projekthansl. — Der zweite Schak. — Der Geigenmacher von Mittenwald. 8°. Geh. *M* 5. —, elegant geb. *M* 6. —

Der Herrgottschneider von Ammergau. Volksschauspiel. 8. Aufl. 8°. Geh. *M* 1. —

Der Projekthansl. Volksschauspiel. 3. Aufl. Geh. *M* 1. —

Der Geigenmacher von Mittenwald. Volksschauspiel. 8°. Geh. *M* 1. —

Der zweite Schak. Volksschauspiel. 2. Auflage. 8°. Geh. *M* 1. —

Die Hochzeit von Valeni. Schauspiel. 8°. Geh. *M* 1. 80.

Die Falle. Lustspiel. 8°. Geheftet *M* 2. —





This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.



